



新刊駱子集註卷之四

知舒城縣事閩漳後學陳魁士註釋

教諭嚴水劉大烈

訓導館陶王無遠

江陵孫大貴校正

門生 金鳳 王亮

徐相 夏昌

潘懋南 祝可教

程中孚 劉咨皋

趙秉 同校

祝子陞

序類

秋日於益州李長史宅 宴序

益州見張司馬啓梁益註

夫以五岳樓真直眇清溪之上六爻輿道寂寞滄海之濱斯並激俗矯時獨善之風自遠懷材蘊價兼濟之道未弘

五岳樓真尚平事見對策文岱岳遊蒐註清溪見江南贈之問篇六爻輿道二句指孔子演易觀滄海之橫流

長史公玄牝凝神虛舟應物得喪雙遣巢由與許史同歸

寵辱兩存廊廟與山林齊致乘展輿之餘暇俯沈犀以開

遙曲浦澄漪似對任棠之水茅亭興洽如歸山簡之池

老子成象章谷神不死是謂玄牝註谷養也神五藏之神玄天也於人為鼻牝地也於人為口五氣從鼻歸五藏出入於口又曰曰谷者虛也言人之神自虛中而出故不死玄遠而無挹者牝虛而不實者也嵇康養生論可謂知凝神之道也註疑聚也莊子山木篇方舟而濟於河有虛船來觸舟雖有禍心之人不怒有一人在其上

則呼張歎之一呼而不聞於是三呼則必以惡聲隨之向也不怒而今也怒向也虛而今也實人能虛已以持

世其孰能害之巢由見上廉使啓箕穎註許史許延壽史高皆宣帝外戚見梁明府啓金許註及帝京篇平臺

江有七橋直西門郭江曰冲里橋西南石牛門曰市下石犀所潛泉也水經註李冰置石犀五于石牛門其二

沈于水漪風行水成文也詩河水清且漣漪註解作兮任棠隱居漢陽太守龐參往候之棠不與言但以薤一

大本水一盃置戶屏前抱孫伏戶下參曰水者欲吾清也拔薤欲吾擊強宗也抱兒當戶歆吾開門恤孤也山

簡山濤之子鎮襄陽每出戲遊醉飲名佳園池有童兒歌曰山公出何許往至高陽池日夕倒載歸酌無所

知時時能騎馬倒載白接離舉鞭向葛強何如并州兒葛強簡愛將并州人也高陽池因其佳可醉而名之也

在襄陽府城南八里后漢習郁嘗穿此池依范蠡養魚法中築釣臺臨歿謂其子曰必葬我近池謂之習家池郁光武侍中封襄陽侯

加以秋水盈襟寒郊滿望州渚肅而蒹葭變風露凝而荷

各子集注

斐踈忘懷在真俗之中得性出形骸之外雖四子講德已  
頌美於中和而五際陳詩未形言於大雅爰命虛設題其  
序云弁側山頽自有琴歌留客操觚染翰非無池水助人  
益各賦詩式貽樂事云耳

詩兼葭蒼蒼白露為霜註兼葭未敗而露始為霜秋水  
時至百川灌河之時也今言兼葭變則秋深矣荷芰本  
楚詞用之見思玄上人林泉詩漢益州刺史王褒欲宣  
風化於衆庶聞王褒有俊才使作中和樂職宣布之詩  
選好事者令依康鳴之聲習而歌之褒既為刺史作頌  
又作傳名曰四子講德以明其意四子曰文學曰虛儀  
夫子曰浮遊先生曰陳立子註樂音洛言王政中和在  
官者樂其職故從而宣布之也五際見閨情詩序謏小  
也禮學記篇發慮憲求善良足以諛聞未足以動衆註  
發慮憲謂致其思慮以求合乎法則也求善良親賢也  
此二者可以小致聲譽不能感動衆人詩側弁之俄屢  
舞僂僂言戴弁傾側醉者之狀也山頽見紫雲觀贈道

士詩論語觚不觚註或曰木簡此指觚為木簡也故今  
謂紙曰觚染翰言書墨也池水用張芝硯池事見上充  
州啓翰池註

### 冒雨尋菊序

白帝徂秋黃金勝友解塵成契冒雨相邀問涼燠則鴻鴈  
在天叙交遊則芝蘭滿室砌花舒菊還同載酒之園岸葉  
低松直枕維舟之浦參差遠岫斷雲將野鶴俱飛滴瀝空  
庭竹響共雨聲相亂柳折巾於書閣行閣飄颻挹雅步於  
琴臺坐聞流水

白帝秋帝也春青夏赤中央黃秋白冬玄謂之五帝黃  
金菊之色也勝友勝已之友家語孔子曰吾死之後則  
賜也曰損商也日益賜也悅不若已者處商也悅勝已  
者處解塵脫去塵事也月令季秋之月鴻鴈來賓鞠有

黃花註鴈以仲秋先至者為主后至者為賓如先登者為主  
人從之以登者為客也陶色不一專言黃者秋令在  
金金自有五色而黃為貴故翰亦以黃為正也芝蘭  
滿室見寄東臺詳政學士詩蘭室註陶潛愛菊親朋好  
事者或載酒以濟其乏潛亦無所辭郭林宗行遇雨中  
折一角人競效之作林宗巾薺麥也詩我行其野芄芄  
其麥麥秋種故可閱也琴臺見鄭安  
陽入蜀詩流水見江南贈之問篇

字中蚪蚪競落文河筆下蛟龍爭投學海珠簾映水風生  
曳露之濤錦石封河雨濕印龜之岸泛蘭英於戶牖座接  
雞談下木葉於中池厨烹野鴈隊白花於濕桂落紫蒂於  
踈藤雖物序足非而人風可愛留姓名於金谷不謝季倫  
澁心迹於玉山無慙叔夜

黃帝史倉頡四目神明觀察衆象始為古文象如蚪蚪  
謂之蚪蚪書周宣王史攏變古文為篆是謂攏文篆者

傳也傳其物理也或曰攏文與篆異甄豐定六書二曰  
竒字是也秦焚詩書李斯變攏文為小篆是名玉著亦  
曰秦篆然贊阜山石刻乃小篆則小篆古有之獄吏程  
邈字元岑得罪繫雲陽猶覃思益小篆方員為隸書  
千字奏之始阜善之用為御史以奏事煩多用之以為  
隸人佐書故曰隸書上谷羽人王次仲始以古書方廣  
少波勢建初中以隸草作楷法字為八分言有模楷始  
皇得之以其文簡畧赴急疾之用甚喜遣召之徵不至  
大怒制檻車送之化大鳥飛去或以王次仲后漢人漢  
元帝黃門令史史游作急就章草謂之草書然水經載  
晉世河決胡公石擲上有八分書蓋周時也則八分周  
已有之事物原始云漢興有草書不知作者姓名至章  
帝時杜伯度崔瓊崔寔已稱工矣后漢潁川劉德升造  
行書今之連真帶草是也此古今通行之字體也篆法  
又有繆書者不知所起用以書符印取網繆纏綿之象  
有倒壑者世傳務光辭湯之禪居清冷之波植壑而食  
清風時至見蕉文偃像為此書以寫道經有鳥書者周  
史佚所作寫赤雀丹鳥之祥以書旂幡取飛翔之狀有  
懸針書者漢曹喜所作象針鋒纖抽之勢以書五經篇  
目取貫穿經旨之義有垂露者亦喜所創取草木阿那

垂露之象皆出新意有飛白者生於隸法漢靈帝飾理  
 鴻都門茶邕見後人以聖成字心有悅焉歸而作之用  
 以題宮門殿榜有散隸者小變隸體晉黃門郎衛巨山  
 所作又云兼善虫書或云虫書即出鳥之書予疑鳥書  
 自謂雀鳥之祥專作禽鳥之象當別有虫篆如孫贖斬  
 麗洵於古木之下作虫書以揭之今人傳寫虫蟻之狀  
 殆其遺法耶王羲之草書人稱其筆勢飄若游雲矯若  
 驚龍學海見太常伯啓秋水澄清珠簾映之若濤之曳  
 露然衡山縣東江邊有錦石數片云是區星遺錦所化  
 又廣東肇慶府有錦石山陸賈使南越尉佗與之泛舟  
 至此賈默禱曰我若說佗稱臣當以錦累石為山靈報  
 使還遂募人植花卉以代錦后因人因立廟祀之封泥沈  
 在泥中也印龜用孔愉事見袁州崔長史啓蘭英蘭之  
 華英如蘭室之意宋處宗刺兖州愛長鳴鷄甚至棲籠  
 置窓間雞遂作人語與宗談論極有玄致終日不輟處  
 宗由此工夫大進莊子山木篇莊子出於山舍故人家  
 故人喜命豎子殺鴈而烹之豎子請曰其一能鳴其一  
 不能鳴奚殺主人曰殺不能鳴者明日弟子問莊子曰  
 昨日山中之木以不材終其天年今主人之鴈以不材  
 死先生將何處莊子笑曰周將處夫材不材之間材不

材之間似之而非也故未免乎累桂花白見員半千書  
 寒花註又梁度府吾尋周弘讓詩梨紅大谷晚桂白小  
 山秋陳陰鑑送始興王詩紛紜連山暗潺湲派水清桂  
 晚花方白蓮秋葉始輕木葉驚霜則紫色故曰紫蒂或  
 曰藤藤菜也子色紫金谷在河南南府城西十三里地有  
 金水自太白源南流經此谷一名梓澤晉石崇因川阜  
 造園館其中奢靡不可勝言自作詩序曰余以元康之  
 年從太僕卿山為使持節監青徐諸軍事征虜將軍有  
 別廬在河南縣界金谷澗中或高或下有清泉茂林衆  
 果竹栢藥草之屬莫不畢備又有水碓魚池土窟其為  
 娛目歡心之物備矣時征西大將軍祭酒王詡當還長  
 安余與衆賓共往澗中晝夜遊宴屢遷共坐或登高臨  
 下或列坐水次時琴瑟笙筑合載車中道路並作又住  
 令鼓吹送奏遂各賦詩以叙中懷或不能者罰酒三斗  
 感性命之不永懼凋落之無期故列序詩人官號姓名  
 年紀又寫詩著后后之好事者其覽之哉后因趙王倫  
 嬖人孫秀求其妾綠珠不與秀誣崇為亂籍其家金谷  
 傍有清源臺即綠珠隊死處綠珠事見代郭氏答盧照  
 鄰詩季倫石崇字心迹見晚懋田家詩  
 玉山見紫雲觀詩顏顏註叔夜嵇康字

晦日楚國寺宴序

夫天地交通忘筌蹄者蓋寡人間行樂共烟霞者幾何群賢抱古人之清風翫新年之淑景情均物我緇衣將素履同歸迹混汚隆廊廟與江湖齊致

易泰之彖曰天地交而萬物通也上下交而其志同也筌蹄見贈高四篇楊惲報孫會宗書人生行樂耳須富貴何時烟霞隱居之趣也詩緇衣之宜兮敝予又改為兮註緇衣卿大夫居私朝之服易履之初九曰素履往無咎註初履至下素在下者也而陽剛之才可以上進若安其卑下之素而往則無咎矣本義以陽在下居履之初未為物要率其素履者也占者如是則往而无咎汚隆禮道隆則從而隆道汚則從而汚見竇六節宅宴序詩

于時春生城闕氣改川原聞遷鶯之后時行欣官侶見游

魚之貪餌坐悟機心加以慧日低輪下禪枝而返照決雲凝蓋浮定水以涵光忘懷在真俗之中得性出形骸之外雖交非習靜多慙谷口之談醉可逃諠自得山陽之氣詩言志也可不云乎

詩挑兮闔兮在城闕兮遷鶯見思玄上人詩機心見高四篇慧日禪枝見和王記室遊施山寺及四月八日題七級詩金剛經曰若能返照迴光皆得見性成佛妙法蓮華經云佛法如彼大雲遍覆三千大國土疑蓋本雲蓋言之也見春雲處處生詩佛家有定性之論言如水之定乃見真性四皓隱於谷口漢鄭朴字子真談於谷口號鄭谷口與四皓相繼王鳳聘之不屈向秀經嵇康舊廬感而作賦曰將命適於遠京兮遂旋及以北徂濟黃河以泛舟兮經山陽之舊居瞻曠野之蕭條兮自余駕乎城隅踐一子之遺迹兮歷窮巷之室廬書詩言志歌末言

餞宋三之豐城序

豐城晉縣也本漢豫章郡南昌縣地三國吳分置富  
城縣晉移治豐水西改豐城縣隋初廢尋復置改曰  
廣豐屬洪州仁壽初復曰豐城后廢唐初復置五代  
梁改吳阜應復改豐城宋仍舊元陞為富州今復為  
豐城縣屬  
南昌府

黯然銷寇者豈非生離之恨與帝里天津槐衢分黑龍之  
水巴陵地道楓江連白馬之門親友徘徊締歡言於促膝

故人樽酒掩離深於交頤

江淹別賦黯然消寇者別而已矣天津謂之天津五星  
所渡猶津然此指帝都之水言之也抑亦指建康為六  
朝所都遂以為帝里與建康城西北九里有雞籠山宋  
文帝改名龍山以黑龍常見於玄武湖北山臨湖上今  
名后湖湖中有洲洲上為庫以貯天下圖籍黑龍之水  
必指此也又淮南子女媧煉五色石以補蒼天斷鰲足

以立四極殺黑龍以濟冀州積蘆灰以止滌水則黑龍  
之水指河言之槐衢猶云槐路巴陵古地名周以前為  
三苗地春秋時為麇國羅國地戰國屬楚秦為長沙郡  
地漢因之吳為重鎮晉分置建昌郡尋復省入長沙劉  
宋分置巴陵縣立巴陵郡屬湘州南齊置巴陵縣梁改為  
郡兼置巴州隋初復為岳州天寶初復為岳陽郡乾元初復  
為岳州宋初隸荆南北路宣和初為岳陽軍節度紹興  
初改純州改軍曰華容后復舊元置岳州路今為府屬  
湖廣道以巴陵縣附廓楚詞江離水湛湛兮上有楓故曰  
楓江白馬水名江陵縣有白馬洲括地志云白馬水出  
出文州曲水縣西南經孫山下離騷經朝吾將濟於白  
水是也或曰指吳門恐此去蘇州遠耳蘇武詩我有一  
樽酒將以贈遠人齊虞義送友人詩共盈一樽酒對之  
愁日暮孔叢子高遊趙平原君客有鄒文李節者嘗  
相友善及將還魯諸故人訣既畢文節送行三宿臨別  
文節流涕交頤子高徒抗手而已分皆就路其徒問曰  
先生與二子善彼有戀戀之心未知后會何期悽愴流  
涕而先生屬聲高揖無乃非親親之謂乎高曰始謂  
二子丈夫耳今乃婦人也人豈鹿豕也而常群聚乎東



方朔非有先生論於是吳王穆然悅而  
深惟仰而泣下交頤註頤口兩旁也

于時晚吹吟桐疑奏離別之曲輕秋入麥似驚搖落之情

白日將頽青山行暮想姑蘇之地夕露沾衣望吳會之郊

### 斷風飄蓋

晚吹秋風也吹桐葉有聲曰吟桐禮記月令孟夏之月  
麥秋至註秋者百穀成熟之期此於時雖夏於麥則秋  
故云麥秋也採落見贈之問篇青山行暮見上文樽酒  
註又王粲詩方舟遡大江日暮愁我心姑蘇見贈之問  
篇夕露見宿山莊詩又陶淵明歸田居詩道狹草木長  
夕露沾我衣衣沾不足惜但使願無違吳會見白雲抱  
幽石詩

嗟乎岐路是他鄉之恨溝水非明日之歡玉斗臨吳太阿

之氣可識金陵昔楚小子之路行遙盍各賦詩式昭離緒

岐路見紫雲觀贈道士篇玉斗二句見螢火賦刻影埋  
豐註大阿劍名見軍中行路難篇金陵見宿山莊詩

### 初春邪嶺送光府參軍序

益府大都督府也詳見上  
齊州張司馬啓梁益註

分首三春送君千里青山白日非舊國之春秋翠筆清樽

是他鄉之盃酒况復圭峯南望切登高之情渭水北流動

### 臨川之嘆

圭峯在終南山南望見北眺春陵詩題註登高二句見  
秋日送陸文林篇渭水源出臨洮府渭源縣鳥鼠山西  
北谷東流經熱屋與平咸陽渭南等縣直至華  
陰縣界入于黃河淮南子曰渭水多力宜黍

于時寒光將歇春景未華殘雪飄花猶開六出輕冰涵影

未解三川晨風軒孫楚之情岐路下楊朱之淚雖載言載

笑賞風月於離前一詠一吟寄心期於別后詩言志也可不云乎

韓詩外傳凡草木花多五出雪花獨六出南宋大明五年正月雪大寧義恭衣有六出義恭奏以為瑞宋主悅輕水凍未釋也三川見贈盧照隣篇孫楚晉人字子荆祖資父宏嘗貽孫皓書勸其早降又答王濟枕流漱石之語孫綽其孫也楚嘗有詩曰晨風飄岐路零雨披秋草詳見秋日送陳文林註揚朱事見紫雲觀贈道士詩序

### 秋日餞麴錄事使西州序

西州有二漢光武建武元年隗囂據天水自稱西州上將軍此一西州也詳見幽繫書情篇漢陽註唐貞觀中城高昌以其地為西州此唐西州也詳見泊蒲類註此云使西州必高昌耳

麴錄事務切皇華指輪臺而鳳舉群公等情敦素賞臨別

### 館而鳧分促樽酒而邀懽望山川而起恨

皇華見上廉使啓輪臺西域地名在車師西北千里其東則渠犁國楚詞鳳凰高飛而遠舉弓鳧分見紫雲觀篇塞北鳧註

于時露團龍濕雲歛鴈天落葉響而庭樹寒殘花踈而蘭

皋晚聞秋聲之亂水已愴分溝對零雨之飄風倍傷岐路

五日之趣未淹蘭藉之娛二星之輝行照葱河之境

楚詞皋蘭被徑兮斯露漸陸機詩清露被皋蘭疑霜沾野草皋見贈之問篇飄風岐路俱見上篇詩五日為期六日不瞻註五日為期去時之約也六日不瞻遇期而不見也又張歆為京兆被劾掾吏繫舜曰五日京兆耳安能復索事歆竟論舜殺之蘭藉見送陳文林篇二星見遠使海曲詩葱河西州地名

清颼朗月我則相思隴水秦川君方嗚咽行歌不駐遽驚

班馬之嘶贈言可申聊振飛魚之藻人探四字四韻四篇

清風朗月猶言清風明月令人思玄度也事見望月有所思篇隴水秦川見父戌邊城有懷京邑詩易乘馬班如註班布不進之貌嘶馬鳴也贈言見高四篇子建與揚脩書公幹振藻於海隅用詩魚在藻字飛魚見鄭贊府啓又西安府鄠縣南山澇谷出飛魚其狀如鮒食之可以已痔嘉靖末德州一日暮起大風雨魚百里有至二兩者皆刺鯽也曾聞養魚者云鯉魚能飛盡空其池者有之

### 贈季八騎曹詩序

騎曹官名散騎常侍官屬也

夫人生百齡促膝是忘言之契丈夫四海交頤非贈別之資然而想山川之遽遙送歸將遠惜歲華之不待行樂無時

百齡見帝京篇交頤見錢宋三之豐城亭

是用輟征驂以小留敞離亭而多暇山芳襲吹坐疑蘭室之中水樹含香宛似楓江之上加以御溝新溜近入離絃賓館餘花遙催別酒既而滌波東注霸岸南登綠蟻傾而高宴終金馬絡而離言促雖相思有贈終結想枚尋滋而素賞無睽盍申情於麗藻人為四韻各賦一言

征行驂馬也敞離亭句見同崔駰馬曉初登樓註蘭室見東臺詳政學士詞江見錢宋三序滌波見晚渡黃河詩曹南登見崔駰馬登樓詩西向註綠蟻見陳文林詩

### 揚州看競渡序

禹貢揚州在今江蘇省城漢武揚州治在今南京三國揚州治合肥元魏揚州在今壽州唐武德初置揚

州都督皆在南京非今揚州也此揚州即今之揚  
州古為揚州之域漢景帝置江都國武帝更廣陵國  
屬徐州東漢初為南三國初屬魏后屬吳晉廣陵郡  
移治淮陰此地屬焉東晉分置海陵山陽二郡而廣  
陵之鎮尚在淮陰分淮安府也劉宋置南兖州治廣  
陵縣齊梁引之北齊改東廣州陳復為南兖州后周  
改吳州隋始改為揚州大業初改江都郡治江都縣  
煬帝於此為宇文化及所弒唐初復為南兖州改印  
州尋復為揚州罷全陵大都督府置大都督節度於  
此徐敬業起兵討武氏即此揚州也天寶初改廣陵  
郡乾元初復為揚州仍置大都督節度五代揚吳都  
此改江都府南唐以江揚省入廣陵謂之東都宋復省  
廣陵入江都屬淮南東路建炎初升帥府治州城東  
南隅堯亮中改治北關建大都督置江淮等處行中書  
省尋改揚州路屬河南行省今為揚州府孔氏六帖  
揚州者以其土俗輕揚字本從才競渡俗以為始於  
楚人弔屈原然漢時已有棹歌恐自古有之

夏日江干駕言臨眺于時桂舟始泛蘭棹初遊鼓吹咽江

山綺羅蔽雲日嫵娟舞袖向綠水以頻低飄颺歌聲聽清  
風而更遠是以魚波笑臉艷出浦之輕蓮映渚娥眉麗穿  
波之半月靚粧舊歸此日增竒絃管相催茲辰特妙能使  
洛川迴雪猶賦陳思巫嶺行雲專稱宋玉凡諸同好請各

賦詩

眺視也楚詞湘君篇沛吾乘兮桂舟言欲乘桂舟以迎  
神取香潔之意也蘭棹見泊河曲篇黃帝命岐伯作鼓  
吹鏡角靈鞀神鉦註鼓吹以驚衆樂繞以止鼓角以立號  
聲以當雷震鉦以疑雷聲皆軍中樂也崔豹古今註漢  
有黃門鼓吹一名樓車古今樂錄曰鼓吹有龍頭大柁  
中鼓獨楫小鼓各名有品秩天子以賜臣下及軍旅用之  
綺羅旌旗也楚詞雖蜺嬈娟若流風之靡草故乘兔園賦  
章華賦形嬈始以單緩兮若流風之靡草故乘兔園賦  
磨陀長髻嬈始數顧阮籍詠懷詩路端嬈娟子常恐日  
月傾謝靈運會吟行肆呈窈窕容路曜嬈娟子飄颺飛

揚之意楚詞然光眇視目曾波夢註曾重也文選舞賦  
目流睇而橫波山谷鷺山溪詞眉黛歛秋波註斜視如  
水波之橫流也臉笑如蓮眉曲如月故兩喻之詩蔡苒  
蛾眉註蛾蠶然也其眉細而長曲上蘇覬辨刻飾便環  
綽約註靚粧粉白黛黑也刻刻畫鬢鬢也蜀都賦都人  
士女衺服靚粧顏延年曲水詩序靚粧藻野衺服縵川  
洛川迴雪見味美人在天津橋  
詩巫嶺行雲見代贈李榮詩

### 秋日與郡公宴序

昔挂瓢隱舜蹈箕山而不歸解組逃齊泛滄波而長徃咸  
用潛心物外擯影丘中豈若擬迹小山陶心大隱叶仲長  
之怡性偶潘岳之棲閑

掛瓢見送尸大赴京篇箕山見上廉使啓燕將守聊城  
或譜之燕王保聊城不敢歸齊田單攻之歲餘不下魯  
仲連為書約之矢以射城中遺燕將將見書泣三日遂  
自殺聊城亂田單因取之歸言齊王欲爵魯仲連連逃

之海上曰吾與富貴而訕於人寧貧賤而輕世肆志焉  
丘中見梁大官詩小山見早發淮口詩晉王康琚返招  
隱詩云小隱隱林蕨大隱隱朝市伯夷竄首陽老聃伏  
柱史仲長統字公理山陽高平人儻敢言語默無常  
人以為狂生州即會召稱疾不就著論款以隱居怡性  
后舉尚書郎丞丞相府軍事論說古今發憤著書名曰  
昌言友人繆襲稱其文足繼西京年  
四十一卒潘岳棲閑見贈高四篇

群公或道合忘荃契金蘭而貴舊或情深傾蓋披玉葉以  
文新于時王女司秋金烏返照烟含碧篠結虛影於麟枝  
風起青蘋動波文於異態庭榴剖實擊虛彩以成珠岸石  
澄瀾泛清漪而散錦

忘荃金蘭玉葉俱見高四篇傾蓋見遊充部遇孔君篇  
霜神謂之王女亦名青女金烏日也淮南子曰中有三  
足鳥一名鷦鷯見上兖州崔長史啓虛影當作稀  
下文有虛彩字麟枝當作隣青蘋見贈李榮篇

既而誓敦交道但忘白首之情款爾連襟共挹青田之酒  
不有雅什何以摭情共引文江同開筆海

白首見螢火賦烏孫國有青田挑核大如升以水漬  
之成酒味甚甜美飲盡更注水隨成酒名青田酒

### 雜著類

### 姚州道破逆賊諾波浪楊虔等露布

姚州禹貢梁州界漢武開西南夷此為益州即雋唐  
葉榆縣境東海分屬永昌郡蜀漢分葉榆屬雲南即  
晉諸郡皆屬寧州李特分置漢州宋齊梁陳仍置雲  
南永昌郡屬寧州唐麟德初於昆明之檉棟川置姚  
州都督府治葉榆洱河蠻開元末蒙舍詔皮羅閣併  
蒙嶲詔越析詔浪穹詔遂賧詔浪施詔五詔合一號  
南詔治太河城至閣羅鳳號大象國又至異牟尋再  
徙羊苴咩城即今府治改號大禮國其後鄭買賜趙  
善政楊于真互募至五代更號大理國元憲宗收附  
立上下二萬戶府至元間改大理路今為大理府隸

### 雲南道

露布人多用之不知其始春秋佐期曰文露沈武露  
布宋均云甘露見其國布散者人尚武遲重者人尚  
文文心雕龍曰布者露板不封布諸視聽也索隱曰  
戰克欵使天下聞知乃以版書獲捷之由不封之以  
明告中外自后魏以來乃書帛於漆竿名為露布后  
漢桓帝時地教震李雲乃露布上書桓温北伐袁宏  
作露布洪适文章緣起乃謂曹  
洪伐馬超曹操作露布非也

尚書兵部臣聞北極列象六合奉天子之尊南面乘乾一

統成聖人之業是知衣裳所會義有輯於殊鄰霜露所均

誠有育於異類故塗山萬國誅後至者防風丹浦一戎緩

前禽者就日然則利弧矢以威天下法雷霆以靖域中四

時行焉天道不能去殺五兵備矣皇業所以勝殘雖事切

救焚苟順時以濟物恩深祝網不獲已而用兵

秦代少府遣吏四人在殿中主發書號尚書漢因之成  
帝初置尚書五人其一人為僕射四人分為四曹常侍  
曹二千石曹民曹客曹尚書各一人后又置三公曹是  
為五曹后漢五曹六人其三三公曹二人或說六曹分客  
曹為一人也并一令一僕為八座晉魏以五曹尚書三  
僕一令為八座隋始有六部上下四方謂之六合乘乾  
見對策文二道齊桓公霸諸侯衣裳之會九兵車之會  
四左思魏都賦魏土者畢昂之所應虞夏之余人先王  
之桑梓列聖之遺塵考之四隈則八埏之中測之寒暑  
則霜露所均梁丘遲與陳伯之書夫以慕容超之強身  
送東市姚泓之盛面縛西都故知霜露所均不育異類  
姬漢舊邦無取雜種也塗山萬國見疇昔篇塗山執玉  
註吳伐越隴會稽得骨節專車使問仲尼仲尼曰禹致  
群臣於會稽山防風氏后至禹殺而戮之骨節專車呂  
氏春秋堯戰於丹水之浦以服南蠻一戎本書武成篇  
一戎衣而天下大定易比卦九五顯比王用三驅失前  
禽邑人不誠吉本義一陽居尊剛健中正卦之群陰皆  
來比已顯其比而無私如天子不合關開一面之網來

者不拒去者不追故為用三驅失前禽雖私屬亦喻上  
意不相警備以求必得象曰舍逆取順失前禽也就日  
見高四篇易繫辭下傳弦木為弧剡木為矢弧矢之利  
以威天下蓋取諸睽本義睽乖然後威以服之管子曰  
蚩尤變廬山之金而為五兵司馬法曰弓矢圍戈矛守  
戈戟助凡五兵長以衛短短以救長吾丘壽王曰臣聞  
古者作五兵漢書註予戟弓劍戈周禮註予戟劍盾弓  
太白經神農以石為兵黃帝以玉為兵蚩尤鏹金為兵  
割革為甲始制五兵世本與呂氏春秋皆言蚩尤以金  
作五兵蓋兵始炎帝而金刃自尤始也勝殘本論語抱  
朴子曰規行矩步不可以救焚拯溺也湯見張網者四  
面祝曰從天降從地出從四方來者皆入吾網湯曰噫  
盡之矣乃去其三面祝曰欲左左欲右右不用命者入  
吾網諸侯聞之曰湯德至矣及禽獸老子偃武章兵者  
不祥之器非君子之  
器不得已而用之

伏惟皇帝陛下登翠媯以握圖憲紫微而正象玄功不宰  
混太始以凝神至道無為佇華胥而得夢闡文教以清中

夏崇武功以制九夷環海十洲通波太液之水鄧林萬里  
交影甘泉之樹反踵穿骨之域襲冠帶以來王竒肱僂耳  
之首奉正朔而請吏

黃帝齋七日至翠媯之川魚泝流而上汎白菡蘭葉朱  
文以授帝與天老舒視之名曰錄菡翰墨全書曰黃帝  
時夢見兩龍授菡乃齋戒往河求之忽有大魚泝流而  
上負菡而進帝跪受之即河菡也張平子東都賦聖王  
握乾符闢坤珍披皇圖稽帝文又曰膺錄受菡皆本於  
此天上紫微垣帝星所居也吳都賦憲紫宮以營室廓  
廣庭之漫漫玄功見靈泉頌列子天瑞篇有太易有太  
初有太始有太素太始者形之始也凝神見益州李長  
史宅宴序列子黃帝篇黃帝間居大廷之館齋心服形  
三月不親政事晝寢而夢遊於華胥之國華胥之國在  
弁州之西台州之北不知何國幾千萬里蓋非舟車  
足力之所及神游而已黃帝既寤召天老力牧太山稽  
告之曰朕閒居思養身治物之道弗獲其術疲而思睡  
所夢若此今知至道不可以情求矣朕知之矣朕得之

矣而不能以告若矣又二十有九年天下大治幾若華  
胥氏之國而帝登假百姓號之二百餘年不輟東方之  
夷有九種環海上洲見春夜多懷詩漢武帝於建昌宮  
北治大池曰太液言津潤所及廣也班固西都賦控引  
淮湖與海通波列子湯問篇夸父不量力欲追日影逐  
之於隅谷之際渴欲得飲赴河渭河渭不足將走北飲  
大澤未至竭死棄其杖尸膏肉所浸生鄧林彌廣數千  
里焉史記阻之以鄧林註今湖廣襄州南鳳林山是古  
鄧侯之國在楚之地是一百二十里甘泉宮名在今西  
安府涇陽縣西北一百二十里甘泉山上本秦林光宮  
漢武帝增廣之又名雲陽宮內有竹宮壽宮迎風館鵠  
鵠觀樹木蔭覆交影言所被之廣也平子西京賦嘉卉  
灌叢蔚若鄧林王元長曲水詩序離身反踵之君鑿首  
貫胷之長屈膝厥角請受纓縶語本呂氏春秋舜登為  
天子大人反踵皆被其澤淮南子註反踵國名其人南  
行足迹北向夏德之盛二龍降之禹使范成光御之以  
行役至南海經防風防風氏之二臣恐以刃自貫其心而  
射之有迅雷風雨二龍升去二臣恐以刃自貫其心而  
死禹哀之拔其刃療以不死草遂為穿胷氏詩昔有成  
湯自彼氏羗莫敢不來享莫敢不來王註世見曰王竒



肱夷之長臂者儋耳夷之大耳者楊浮異物志南方夷生則錢其頰皮連耳匡分為數支狀如雞腸累累下垂至肩后漢書言以物貫耳隊之下垂其耳儋然王者耳皆下肩庶人至肩而已漢平南越置儋耳郡治宜倫縣元始中省入珠崖郡隋初廢之尋復置改南寧軍元因之今為儋州以宜倫縣省入屬瓊州府奉正朔行中國曆也請吏請置官以治之也司馬相如傳邛笮君長開南夷得賞賜多欲請吏

逆賊蒙儉和舍等浮竹遺胤沈木餘苗邑殊禮義之鄉人習貪殘之性日者王明廣燭帝道遐融頗亦削左社而被朝衣解椎髻而昇華冕而豺狼有性梟獍難馴遂敢亂我天常化九隆而背誕負其地險携七部以稽誅搔亂邊疆

### 彼數州郡

南詔之先本哀牢夷地居姚州東南接交趾西北接吐蕃五代號曰長和蠻語謂王曰詔先有六詔一曰蒙嵩

詔二曰越折詔三曰浪穹詔四曰澄賧詔五曰施浪詔六曰蒙舍詔蒙舍最在南故謂之南詔蒙儉和舍其作及者一人姓名也此時只一詔耳開元中南詔皮羅閣浸疆大五詔微弱乃昭劍南節度使王昱合而為一玄宗許之賜名歸義於是兵威膺服群蠻遂破吐蕃徙居大和城永不為邊患夷語山陂陀曰和台曰鮮于仲通致反喪師一十萬夜郎之先有女浣水濱得大竹三節排之不去開有兒聲破之得男長有武才遂雄夷狄氏竹為姓哀牢之先有婦人名沙臺捕魚水中觸沈木有孕生子十人白沈木化為龍沙臺忽聞龍語曰若為我生子今悉何在九子驚走一子不去背龍坐龍曰舐之其母鳥語謂背為九謂坐為隆曰名子曰九隆及后長大諸兄以九隆能為父所舐而點推以為王后牢山下有夫婦復生十女九隆兄弟皆取為妻后漸滋長種人皆刻畫其身象龍衣首尾九隆死世世相繼易井卦九三井渫不食為我心恻可用汲王明並受其福本義渫不停汙也井渫不食使人心恻可用汲矣王明則汲井以及物而施者受者並受其福也程傳以三應上六汲汲上進然明王用人豈求備也故王明則受福矣終軍云解髮削左社陸賈使南越尉佗魁結箕倨見之

註魘當作椎結髻高如椎也左傳晉叔向欲娶夏姬之女為妻叔向之母止之平公強使娶之生伯石叔向之母往視之及堂聞其聲而還曰是豺狼之聲也狼子野心非是莫喪羊舌氏矣遂不視其後助亂祁盈滅羊舌氏梟惡鳥食母鏡惡獸食父左傳于號之盟楚公子圍設服離衛叔孫穆子曰楚公子美矣君哉鄭子皮曰二執戈者前矣蔡子家曰蒲宮有前不亦可乎楚伯州犁曰此行也辭而假之寡君鄭行人揮曰假不反矣伯州犁子曰姑憂子哲之欲背誕也註云鄭子哲殺伯有背命放誕將為國患

是用三門授律長馳無戰之師五月渡瀘深入不毛之地

去月二十日軍次三肫崙鎮前后捕得生口知守挺山差

傍山連結十部蠻有徒五萬衆此中即南中巨防也

唐太宗謂李靖曰何謂三門靖曰臣按太公謀有八十一篇所謂陰謀不可以言窮其意太公言有七十一篇不可以言窮其妙太公兵有七十一篇不可以言窮其術謀言兵共一百三十七篇此所謂三門無戰言不戰

自服也五月渡瀘不毛南中俱見軍中行路難篇

崗巒千里西通大荒之郊溪谷萬重南極炎洲之境聳喬

林而插月陰靈有假道之標拔崇巖以隱天陽鳥無迴翼

之地峯危束馬路絕懸車

大荒谷名炎洲見春夜多懷篇十洲註謝莊月賦日以陽德月以陰靈此言林高插月以林為假道之標幟耳蜀都賦羲和假道於峻岷陽鳥迴翼於高標註陽鳥日中三足鳥也按起也詩柞械拔矣註挺援而上西都賦其陽則崇山隱天陽鳥二句見疇昔篇然據謝莊月賦及蜀都賦似當作陽鳥

賊踞臨代之形負建瓴之勢徵風召雨蝟起蜂飛驅雜種

以挺災封狐千里肆沈黎而作孽雄虺九頭

臨代見贈高四篇此言山之高也漢田肯賀漢高帝曰陛下得韓信又治秦中秦形勝之國也帶河阻山形勢

馬子集言 卷之四  
便利其以下兵於諸侯譬猶於高屋之上而翻甕水譬其向下  
建覆也甕盛水瓶也居高屋之上而翻甕水譬其向下  
之勢易也風雨言其勢之盛蜩蜂言其人之衆也漢書  
賈誼曰高帝功臣反者蜩毛而起蜩今刺蜩也南人謂  
之豪猪毛如刺晉書贊慕容氏青山徙構玄塞分疆蠢  
茲雜種奕世彌昌角端掩日步搖翻霜乘危蜩起怙陰  
鳴張假竊神器馮陵帝鄉守不以德終致餘殃又雜種  
字見首章霜露所均註挺與延字同引長之意封狐堆  
也俱見軍中行路難篇沈黎古笮都國地漢武定西南  
夷以其地為沈黎郡東漢曰之晉末為李雄所據宋齊  
並為沈黎郡后周兼置黎州隋初改登州后省之唐置  
南登州天寶初改洪源即乾元初復為黎州五代時前  
后蜀相繼有其地宋屬成都府元屬吐蕃  
等處宣慰司今改黎州安撫司隸四川道  
代古國名春秋屬晉戰國屬趙秦置代國東漢末廢后  
魏於此置靈台縣后周兼置蔚州隋即廢州存大業初  
州廢唐復置蔚州至德初改安邊郡后復為州遼置忠  
順軍金為蔚州元至元初省為靈仙縣屬松州尋復為  
州屬宣德府今曰  
之改屬大同府

臣以為制敵以權柔遠者底成於德教伐叛以義決勝者  
不在乎干戈於是廣布朝恩恭宣帝澤申之以安撫曉之  
以存亡信重蠻賧無負黃龍之約賞隆漢爵不諭白馬之  
盟而地接冉驪詞屢殫於喻蜀俗通盤瓠聲不輟於吠堯

秦昭襄王時有白虎常從群虎害千餘人王募殺者賞  
邑萬家金百鎰時巴郡閬中夷人能作白弩射殺之王  
以夷人不欲加封乃刻石盟曰秦犯夷輸黃龍一隻夷  
犯秦輸清酒一鍾漢呂后議王諸呂王陵曰高帝刑白  
馬盟曰非劉氏而王天下共擊之冉駹西夷國名漢武  
以其地置汶山郡宣帝時廢後復梁置繩州后周改汶  
州治汶山縣隋初改蜀州尋改會州后復為汶山郡唐  
初置會州尋改南會州真觀中改茂州天寶初改通化  
郡乾元初復為茂州宋元仍舊治汶山縣今以汶山縣  
省入屬成都府司馬相如為即數歲會唐蒙使蜀畧通  
夜即燹中徵發巴蜀吏卒千人卻又多為發轉漕萬餘  
人用軍興法誅其渠率巴蜀人大驚恐上聞之乃遣相

如責象等曰為檄諭告巴蜀人以非上之意后相如使  
蜀長老多言通西南夷之不為國用大臣亦以為然相  
如業已建之不敢諫乃着書假蜀父老為辭而已以語  
難之以諷天子曰宣其使指其文云漢興七十有八載  
德茂存乎六世威武紛紜湛思汪穢群生霑濡洋溢乎  
風外於是乃命使西征隨流而攘賦之所被莫不披靡  
曰朝冉從馳定管存露斯榆舉苞蒲結軌還轅東鄉將  
報至于蜀都云高辛氏有老婦居土室得耳疾挑之有  
物大如繭婦人盛瓠中覆之以槃化為犬其文五色曰  
名樂瓠既而犬戎為亂帝曰有能討之者妻以美女封  
三百戶於是樂瓠亡三月野犬戎首來帝難妻以女女  
以帝皇下令不可失信自請行犬戎負女入南山石室中  
人不可到三年生子十二人六男六女自為配偶其後  
滋蔓遂為蠻夷今長沙武陵蠻是其種也樂瓠故地在  
今辰州盧溪照一百八十里名武山山有石室遙見一  
狗似犬繫瓠象也土俗不食犬曰后殺韓信漢高還聞  
信言恨不用削轍之計乃詔捕轍至曰秦失其鹿天下  
共逐高材疾足者先得焉距之狗吠堯堯非不仁狗固  
吠非其主當是時臣唯  
知韓信非知陛下也

臣遣左二軍子總管寧遠將軍劉玄暕等銜枚遠襲卷甲  
前驅偃危旆而設潛兵疑從天落乘間道而掩不備若出  
地中又遣某等陟南山之南衝其要害之路又遣某等凌  
北山之北絕其飛走之途

詩東山篇勿士行枚註枚如箸有繡結項中以上語也  
旆以白布為之繼旄者也從天落出地中俱見蕩子從  
軍篇天上出將軍地中鳴戰鼓註法真隱處不仕太守  
欲以功曹相屈法真曰若欲使之真將在南山之南北  
山之北矣太守  
懼然不敢復言

賊某等振螳螂之力拒轍當輪縱蚊蚋之群彌山蒲谷某  
等並忠勤克著知略遠聞識明君之重恩輕生有地提大  
阿之神劍視死無時彎弧而克黨土崩舉刀而妖徒瓦解

雖危若涕昂未窮梟首之誅救死扶傷猶致析骸之費

韓詩外傳齊景公獵螳螂舉足將搏其輪問其御曰此何虫對曰螳螂也知進不知退不量力而輕敵公曰此將閭莒見季繇曰吾謂魯君曰必服恭儉拔出公忠之屬而無阿私民孰敢不輯季徹局局然笑曰若夫子之言於帝王之德猶螳螂之怒臂以當車軼則必不勝任矣蚋蚊屬亦言人之多也大阿見軍中行路難篇史記秦本紀太史公曰秦之積衰天下土崩瓦解言秦國敗壞若土宇崩頽衆瓦解散也本徐樂上書曰陳涉起窮巷奮棘矜偏袒大呼天下從風其故何也由民困而主不恤下怨而上不知俗已亂而政不脩此三者涉之所以為資也此之謂上崩吳楚之國號皆萬乘威足嚴其境內財足勸其士民然不能西攘尺寸之地而身為禽者其故何也先帝之德未衰而安上樂俗之民衆故諸侯無境外之助此之謂瓦解土崩又見下篇詩苞之華其葉青青註苞即今之凌霄花附於喬木之上華黃赤色雖榮不久也梟首死者罪大斬而懸之以示衆如梟鳥之宿而首倒懸也梁丘遲與陳伯之書曰部落携離

首豪猜貳方當繫頸蠻郎懸首彙街而將軍魚遊於洪鼎之中燕巢於飛幕之上不亦惑乎楚圍宋華元夜登子反之牀而起之曰敝邑易子而食析骸而爨城下之盟有以國敵而不能從也子反懼退三十里而與之盟註骸骨也謂以骨為薪也

臣遣某等擁貔豹之雄順天機而左轉遣某等率犀象之卒乘地軸以右迴又遣某等摠投石超距之材蹈中權而拊其背又遣某等騰躍鐵歎金之騎犯前矛而扼其喉

天機猶言天衡與地軸皆陣名也見疇昔篇八陣註天左旋故言左轉地陰道故言右迴木玄虛海賦狀如天輪膠戾而激轉又似地軸挺拔而爭迴劉向說苑楚立先生行年七十披裘帶索見孟嘗君曰先生老矣春秋高矣多遺忘矣何以教我楚丘曰叮嚀使我追車而赴馬乎投石而起距乎逐麋鹿而搏虎豹乎吾已死矣何暇老矣將使我出正辭而當諸侯乎決嫌疑而定猶豫乎吾始壯矣何老之有秦王剪問軍中戲乎對曰方

路... 卷之四

投石超距又漢書甘延壽投石拔距出於等倫註范蠡  
兵法飛石十二斤謂以石為機法行之百步投之以手  
見多力也拔距謂距地向前超過物也左傳楚為敖為  
宰擇楚國之今典軍行右轅左追尋前茅慮無中權後  
勁註軍右挾轅為戰左者追求草蓐為宿備前者以茅  
為旌識慮有無伏兵中軍制權謀后以勁兵為殿婁敬  
說漢高曰夫與人鬪不扼其吭而拊其背未能全勝應  
炤曰拊摩也非是周武帝伐齊至河陰而還曰前出外  
直為拊背未扼其喉今按拊擊也如拊石之拊不當以  
摩為說若與人鬪反摩之耶欵普潤反吹氣也班固西  
都賦欵野歎山穆天子傳天子東將黃澤使宮樂作詞  
曰皇之陀其馬歎沙皇人威儀皇之澤其馬歎玉皇人  
壽穀高都護驄馬行猛氣猶  
思戰場利脫足蹄高如踏鐵

臣率某等橫玉弩以高臨縱金鉦而直進玄雲結陣影密  
西郊赤莖揮鋒氣衝南斗飛塵埃而布地白日為之晝昏  
積氛侵以稽天滄溟為之晦色兵交刃接鳥散魚驚自卯

及申追奔逐北斬首千餘級轉戰三十里激流膏而為泉  
似變莖弘之血委亂骸而擠壑若泛驚靈之屍

子虛賦縱金鉦註縱撞也金鉦謂鉦也詩采芑篇鉦人  
伐鼓註鉦鏡也獨也封禪表縱金註直也則以直撞為  
義史記南越王太后欲縱嘉以矛吳王濞傳縱終吳工  
義與縱同但以木撞曰縱以金撞曰縱故從金從木有  
異耳要之三字義皆同玄雲結陣本八陣圖中雲陣字  
又兵法凡兵臨城有黑雲壓覆西如見秋雲篇太公六  
韜曰陷堅陣敗強敵大黃參連弓飛鳧電影自副註云  
電影矢名赤莖赤羽以銅為首張協七命揮鋒電滅衝  
南斗用豐城劍氣事天有南比斗南斗近牛比斗在薇  
垣之旁戰則塵埃颺起故白曰晝昏氛侵見螢大賦篇  
雲物註莊子大浸稽天言海水湧起至天也滄溟大海  
也李廣傳李陵敗謂其下各鳥獸散期至遶虜障相待  
魚驚亦言賊之敗而驚竄也莊子則陽篇有國於蝸之  
左角曰觸氏有國於蝸之右角曰蠻氏時相與爭地而  
戰伏兔百萬逐北旬有五日而后反註軍走曰北水玄  
虛海賦或乃踏躓窮波陸死塩田巨鱗掃雲鬣刺天

顛骨成嶽流膏為淵萇弘事見螢火賦三年成碧註社  
宇古蜀王也稱望帝好稼穡教人務農治郫城荆人驚  
靈死其尸汜流而上見望帝因以為相號開明會巫山  
江壅人曹共水開明為鑿通死有大功望帝遂以其位  
禪焉后望帝死魂化而  
為鳥名杜鵑一名杜宇

既而昭盡高春雲昏一夜賊乃收集餘衆保據重巖臣度  
彼遊魂慮其宵遁命三軍齊進四面合圍

高春見傷祝阿王  
明府序連石註

二十三日乘魚爛之危啓蛇行之陣揚麾誓衆杖節訓兵  
一鼓先登賞必懸於芳餌九攻失律罪無赦於嚴誅五部  
雄材三河俠少或生居燕地尤工即墨之圍或家本秦人  
早習昆明之戰叱咤則江山搖蕩慷慨則林壑飛騰舉鵬

力以揚威耀犀浪而賈勇澄氛廓侵若夏景之潰春冰滅  
迹掃塵若霜風之捲秋籜

魚爛見前章又見下篇晉桓温伐蜀經孔明八陣曰此  
常山蛇勢也即九軍陣法謂之九軍者并其中言之也  
下文言九攻亦即此書牧誓篇王左杖黃鉞右秉白旌  
以麾曰逖矣西土之人蓋以旄麾召軍衆而誓之也后  
遂以旗為麾耳節見軍中行路難註兵以鼓進故曰一  
鼓左傳魯隱公會齊鄭伐許穎考叔取鄭伯之旗登孤  
以先登註謂率先鄭兵以登城也臨戰懸重賞以購死  
士曰芳餌如以香餌取魚也易師之初六曰師出以律  
否滅凶象曰師出以律失律凶也魏武分劉淵父豹所  
統之衆為前左右中五部部帥皆以劉氏為之分居  
太原后為五胡亂華之首漢高為義帝發喪告諸侯曰  
寡人悉發關中兵收三河士願從諸侯王擊楚之殺義  
帝者史記註韋昭曰河南河東河內阮籍詩蘇子挾三  
河沈註河南河北河東秦之三川唐詩云天子三河募  
少年恐本漢高語楊升菴乃云黃河析支河隍中河未  
詳孰是又三河字見叙寄員半千詩燕樂毅伐齊下七

十餘城惟莒即墨未下圍之二年即墨見上廉使啓楊  
惲報孫會宗書家本秦也能為秦聲婦趙女也雅善鼓  
琴昆明見帝京篇史記項王喑啞叱咤千人自廢註叱  
咤發怒聲鵬力見螢火賦國語秦文犀之渠越句踐曰  
夫差衣水犀之甲者二千入南越志平定縣巨海有水  
犀似牛其出入有光水為之開角可為帶皮可為甲吳  
都賦家有鶴膝戶有犀渠鮑明遠詩解佩襲犀渠卷裘  
奉盧弓蕭明與王僧辨書凡諸部曲並使招携赴校戎  
行前後雲集霜戈電戟無非武庫之兵龍甲犀渠皆是  
雲臺之狀賈勇見上吏部裴侍郎書擢木落葉也詩七  
月篇十月墮擗鶴鳴篇  
爰有樹檀其下維籜

戰踰百里時歷三朝前后生擒四千餘人斬首五千餘級  
諾沒浪楊虔柳等殞元行陣懸首旌門蒙儉和舍等委衆  
奔馳脫身鋌險雖復刑以止殺丁壯咸伏於誅夷禮不重  
傷班白必存於實宥

左傳鄭子家告趙宣子曰古人有言曰鹿死不擇音小  
國之事大國也德則其人也德則其鹿也鋌而走險  
急何能擇命之罔極亦知亡矣將悉散賦以待于儵唯  
執事命之註音所休蔭之處喻鄭既滅亡當不擇所從  
之國也鋌疾走貌言鹿避死疾走而趨於險禮記檀弓  
下太宰嚭曰古之侵伐者不斬祀不殺厲不獲二毛左  
傳宋襄公及楚戰于泓子魚請乘其未濟擊之公不可  
又請未陣擊之又不可及敗公曰君子不重傷不禽二  
毛重傷謂已傷而復傷之  
也班白即二毛之人也

昔魏臣賦蜀徒開蒟醬之竒漢使開筇絕通竹杖之利豈  
若膺紫泥而弔代指丹徼以臨戎一戰而孟獲已禽再舉  
而哀牢授首斯並皇威遠暢廟略遐覃奉玄猷以配天徒  
知帝力掩皇輿而闡地豈曰神功不勝慶快之至謹奉露  
布以聞



馬一有... 魏左思為思下記室作蜀都賦有云布有幢華麪有枕  
柳印杖傳節於大夏之邑蜀醬流味於番禺之鄉註徐  
廣曰枸蒟同音漢書唐蒙問蜀賈人曰獨蜀出枸醬多  
持竊出市夜即音義曰枸似穀樹葉如桑用作醬酢羹  
蜀人以為珍味顏師古曰枸綠木而生非樹也今蜀十  
家出枸實長二三寸味辛似薑不酢案本草枸實似王  
瓜蔓生苗為留藤實似桑椹皮黑肉白食之辛香下氣  
消穀即吳都賦所謂東風浮留通志云枸醬浮留似草  
撥今嶺南取其皮合攢即食之按蜀醬諸說皆非即今  
之老葉也云醬者或以蜜漬之如蜜煎葉耳元符元  
年博望侯張騫使大夏言居大夏時見蜀布印竹杖使  
問所從來曰從東南身毒國可數千里得蜀賈人市天  
子遂使使求之註印山名竹節高中實可作杖鬲經序  
云山曰印味浸曰印水淵曰印池毛曰印竹即印味九  
折坂是也漢書官儀天子六璽皆以武都紫泥封故云  
天子璽書謂之紫泥丹微見蕩子從軍籍蜀漢益州督  
帥雍閫叛諸葛亮征之由越嵩入斬其首孟獲素為夷  
漢所服收餘衆拒亮亮募生致之既得使觀營陣問獲  
曰向者不知虛實故敗今祇如此易勝耳乃縱使更戰  
七縱七禽而亮猶遣獲獲止不去曰公天威也南人不

敢復反矣哀牢之先已見前章其地於周為漢人后不  
經見建武二十三年其王賢粟遣乘輦舩擊附塞夷鹿  
芟於是南風飄起水為逆流草舩沈波哀牢溺死數千  
人賢粟恐曰我曹今攻鹿芟輒被天誅中國其有聖帝  
乎天佐助之何其明也遂降光武封為君長漢明帝永  
平十二年哀牢王柳貌率其民五百余戶內附以其地  
置哀牢傳南二縣屬永昌郡章帝建初元年哀牢王反  
郡兵擊斬之唐時地屬南詔今為金齒指揮使司故地  
在司東二十里本名安樂夷語訛為哀牢其山絕頂有  
一石如人坐懷中有二穴名天井上人於春首視水盈  
涸以別豐凶至者見水溢以為吉兆左右穴相通取水  
互涸又山下有石鼻二水出焉一温一涼號玉泉又名  
主泉山闡地見前章握鬲註握乾符闡坤珍註  
握持也乾符赤伏符也闡開也坤珍洛書也  
又破設蒙儉露布

臣聞七緯經天星墟分張翼之野八紘紀地炎洲限建木  
之鄉西距大秦雜金行而厚氣南通交趾枕銅柱以為鄰

俗帶白狼人習禽殘之性河淪赤虺川多風雨之災水積  
炎蒸山涵毒霧

日月五星謂之七緯漢書天文志星張三河分野翼軫  
荆州分野今言張翼即在周楚之交淮南子曰九州之  
外乃有八蠻八蠻之外乃有八紘東北曰荒土東曰彘  
野東南曰衆安南方曰反户西南曰炎土西曰沃野西  
北曰沙所北曰委羽炎洲見上篇建木見浮查篇大秦  
西域國名一名犁鞞在海西亦云海西國其七簡賢者  
有災異輒廢立其王亦見黜不怨人民皆長大平正類  
中國故謂大秦后漢書西羌傳西羌湛耐寒苦同之禽  
獸雖婦人產子亦不避風雪性堅剛勇猛得西方金行  
之氣焉杜佑通典交趾南方夷人其足大指開廣若並  
足而立兩指相交本古南交之地秦屬象郡漢初為南  
越所有武帝平南越置交趾九真日南三郡兼置交趾  
刺史治羸樓東漢郡屬交州吳增置九德武平新昌三  
郡劉宋又增置宋平郡而徙交州治龍編梁陳於交州  
置都督府隋初郡廢改都督府為總管府唐初仍曰交  
州調露初改安南都護府大曆間復曰安南五代梁時

上豪曲承美專有其地后為劉隱所并后楊延藝紹洪  
相繼為交趾節度使既而管內大亂推丁部為州帥子  
璉繼立宋平嶺表璉內附封交趾郡王弟璿嗣立其將  
黎桓篡之李公蘊復篡黎氏陳日煚復篡李氏皆臣服  
中國封交趾郡王元憲宗時遣將破其國后歸附封安  
南國王國朝洪武初陳日煚率先歸附仍賜安南國王  
印傳至日煚其臣黎季犛篡立永樂間遣將俘季犛父  
子求陳氏后立之不得因郡縣其地置府十七州五又  
建交趾布政使司及都按三司於交州府洪熙初寇孽  
黎利攻劫郡邑復命將討之宣德初黎利勢屈始奉表  
乞立陳氏後曰高者王其國后利篡高自立遣貢謝罪  
曰而與之嘉靖間復叛征之至今朝貢一統志云馬援  
征交趾平之立銅柱為漢界相傳在廉州府欽州古森  
洞上有援誓云銅柱截交趾滅日南郡西有屠夷國援  
亦植二銅柱表漢界留十餘户至隋三百餘户皆以馬  
為姓蜀都賦皓以白狼夷歌成章註白狼夷在漢西帶  
連帶也季膺益州記邛都老姥家貧孤獨每食輒有  
赤蛇戴角在床間姥憐飴之有長丈餘殺令駿馬令忿  
責姥出蛇云在床下令掘地無所見遂殺姥蛇乃感人  
以靈嗔言令何殺我母當報讐此每聞夜有雷若風

四十許日百姓咸驚語相見忽皆戴魚是夜方四十里與城一時皆陷土人謂之陷河唯姥宅無恙至今猶存漁人每遇風浪必依止宿水淺時輒得舊木水清猶見城郭樓櫓炎蒸毒霧見與傳昌父老書下澤註

竹浮三節肇興外域之源木化九隆頗為中國之患年將千祀代歷百王鄭純之化不追孟獲之風逾扇故三年疲衆徒聞定策之讖五月出師未息渡瀘之役

竹浮木化俱見前篇浮竹沈木註一統志九隆山在今金齒軍民指揮使司南七里又名九坡嶺沙河源出於此諸葛孔明嘗斷其山脈文選序自姬漢以來恥焉邈矣時更七代救逾千祀漢西部都尉廣漢鄭純為政清繁化行夷貊君長咸慕皆獻土珍頌德美天子嘉之以為永昌太守孟獲見前篇策西南夷國名山海經復引一索飛垣棧閣其名曰策人懸半空度彼絕壑后漢武以其地置沈黎郡地沿革與定策字俱見上篇沈黎及喻蜀註渡瀘見軍中行路難篇

然則大人格物上聖乘期法乾坤以握樞體剛柔而建極知仁義不能禁暴設刑網以勝殘知揖讓不可濟時用干戈而靜亂伏惟

皇帝陛下祥攜載玉拓地軸以登皇道契寢繩掩天紘而踐帝玄雲入戶箕靈瑞於丹陵綠錯升壇薦禎圖於翠渚垂衣裳以朝萬國崇玉帛而禮百神昭儉防奢露臺惜中人之產宣風布政明堂法上帝之宮致群生於太和登品物於仁壽

搜神記舜耕歷山得玉曆於河際之巖地軸見贈高四篇東都賦大漢之開元也奮布衣以登皇觀明堂立辟離揚緝熙宣皇風登靈臺考休徵上古未有文字燧人氏始作結繩之政太昊伏羲氏始造書契以代之天紘

即所謂八紘也踐帝見對策文漢武內傳王母降命侍  
女安法嬰歌玄雲之曲曰大象雖云廖我把天地戶披  
雲致靈兩倏忽適下土古樂府有玄雲曲本此也易坤  
靈菑曰堯母崩之玄雲入戶蛟龍守門鄭玄註謂慶都  
天皇之女天帝以玄雲覆衛堯生於丹陵有黃雲之祥  
少昊母嫫祖感大星如虹下臨華渚而生漢文帝欲築  
露臺召匠計之曰直百金上曰百金中人十家之產也  
遂止註露臺臺上無屋者舊言承露者非明堂王者所  
居四時各有其室孟春季居明堂左个右个仲夏居  
青陽太廟孟夏季居明堂左个右个仲夏居明堂太  
廟中央居太廟太室孟秋季居明堂左个右个仲夏居  
居總章太廟孟冬季居玄堂左个右个仲夏居玄堂  
太廟合而言之則曰明堂也漢制覆以青茅環以璧水  
天官書東宮蒼龍房心為明堂天星天王前星後星予  
萬不敵直則天王失計房為天府曰天駟註引春秋  
說題辭房心為明堂天王布政之宮索隱曰洪範五行  
傳云心之大星天王也前星太子后星庶子宋均云房  
近心為明堂又別為天府及天駟西都賦其宮室也體  
象乎天地經緯乎陰陽據坤靈之正位放太紫之圓方  
張平子西京賦乃營三宮布政頒常許慎五經異義曰

明堂之陽三里之外一里之內  
上圓下方八牖四間布政之宮

四神踐雪五老飛星君圓祥麟樂班文於仙卉女牀鳴鳳  
韻歸昌於帝梧四隩同文五方異色鄧林萬里絕苑園  
之基魯城九重未出池隍之域六合照臨之地候月歸琛  
大鑪覆載之間占風納賁

四神五老俱見封禪表黃帝時麒麟遊于園封禪書  
般之獸樂我居園白質黑章其儀可加收睦睦君子  
之能蓋聞其聲今觀其來厥塗靡蹤天瑞之徵茲亦於  
舜虞氏以興濯濯之麟游彼靈時孟冬十月君徂郊祀  
馳我君與帝以享祉三代之前蓋未嘗有註般與班同  
卉草也平子西京賦鳴女牀之鸞鳥舞丹穴之鳳凰山  
海經曰女牀之山有鳥焉其狀如鶴五色文名曰鸞見  
即天下太平註女牀山在華陰西六百里顧凱之鳳賦  
勵歸昌於漢陽發明乎聖君張協七命采奇律於歸昌  
韓詩外傳集鳴歸昌註鳳鳴節節鳳鳴足是晨鳴發明

畫鳴上朔夕鳴歸昌昏鳴固常夜鳴保長宋文帝受命  
頌南通舜梧北平堯柳又帝梧字見上梁明府啓書禹  
貢篇九州攸同四隩既宅註隩隈也涯內近水為隩猶  
言四海之內荒史炎帝命舜封作穗書以同文遁甲開  
山番曰女媧氏沒大庭氏之王有天下也三辰增輝五  
風異色鄧林見上篇魯城字出楚詞淮南子曰魯城九  
重其高萬一千里上有木禾長五丈五尺珠樹玉樹不  
死極沙棠瑯玕絳樹皆在焉在崑崙之上有水曰也無  
水曰隍此二句皆言絕遠之地盡入疆域也張平子東  
京賦孟春元日群后傍房時惟帝臣獻琛執贄云候月  
者候孟春之月也大鑪見李少常啓漢武時月支國遣  
使入貢曰去臣國三十萬里國有常占東風入律百旬  
不休青雲干呂連月不散者知中國有好道之君故搜  
奇蘊而進貢魏都賦極負賚贄重譯貢籠顏延年楮白  
馬賦有肆險以稟朔或喻  
遠而納賚註畫與鹽同

蠢茲蠻貊敢亂天常橫赤燿以踞疆背朱提而設險山林  
萬仞巖邑十尋望秦阜以相傾峻陵失四塞之阻對梁山

而錯峙劔門成一簣之峰自謂絕壤遐方中外足以迷聳  
教憑深負固江山可以逃靈誅不知玉弩垂芒泓水無九  
嬰之沱瑤階舞感洞庭有三苗之墟

赤燿見送陸道士篇橫謂當夏時也如云橫秋耳疏開  
也一統志云朱提未詳處所唯四川叙州城西五十二  
里有朱提山古志云朱提郡堂狼山多毒草夏月飛鳥  
過之不能去未審是此地否朱音銖提音匙即漢捷為  
郡也其山出銀漢諸葛亮書云漢嘉金朱提銀採之不  
足以自食唐韓愈贈崔立之詩我有雙飲醜其銀得朱  
提皆叙州朱提也左傳鄭武姜愛共叔段欲立之武公  
弗許及莊公立姜氏為段請制莊公曰制巖邑也虢叔  
死焉它邑唯命註巖陵之邑也秦地多高山故云秦阜  
峻陵見北魏春陵詩禹貢治梁及岐註梁山呂梁山也  
此非是詩韓奕篇奕奕梁山左傳梁山崩將召伯宗而  
問之恐指此梁山也然梁山亦非實指借言之耳四塞  
見帝京篇秦塞註劔門見軍中行路難詩書旅葵篇為  
山九仞功虧一篑此借以言山之高也淮南子堯使羿

誅鑿齒於疇華之野殺九嬰於泗水之上書大禹謨篇  
 帝乃誕敷文德舞干羽于兩階七旬有苗格洞庭即古  
 三苗地也蔡氏書傳曰三苗國在荆揚之間恃險為亂  
 者也今湖廣漢洞時猶竊發俘而詢之多為苗姓豈其  
 遺種與洞庭湖見在江南贍宋之問篇陳琳檄吳將部  
 曲文謂為舟楫是以距皇威江湖可以逃靈誅殊不知  
 天網設張以在綱目變鑊之魚期於消爛也若使  
 水而可恃則洞庭無三苗之墟子陽無荆門之敗

臣等謬以散材忝專分閫自白招乘候順秋帝以揚旌絳

節臨邊通夜郎而解辨雲開雋穴旆轉邛川峻岐折坂之

危盡忘襟帶滇池漏江之固曾莫藩籬

散材見浮查篤漢馮唐對文帝曰上古王者之遣將也  
 跪而推轂曰闔以內寡人制之闔以外將軍制之闔義  
 與闔同馮唐傳作相門中檄俗言門限也白招見送陳  
 文林篇赤燦註絳節見軍中行路難篇夜郎之先見前  
 篇其地漢屬牂牁郡唐屬瓊州洋柯郡本且蘭國在今  
 播州界瓊州在今施州歌羅寨夜郎在桐梓驛西二十

里有夜城尚有古碑字已漫滅丘遲與陳伯之書當今  
 皇帝盛明天下安樂白環西獻楛矢東來夜郎東池解  
 辨請職朝鮮曰海蹶角受化本漢終軍解辨髮削左社  
 之語註夷俗辨髮今解之從中國之俗也越雋本西南  
 夷邛都國地武帝置越雋郡領邛都等縣晉宋因之北  
 齊謂之獫狁周置嚴州隋初改西寧州后復為雋州  
 大業初復越雋郡唐初復雋州又改越雋郡至德初沒  
 吐蕃貞元中以復太和又為蒙詔所據元初置建昌  
 路又立羅羅斯宣慰司以統之今改行都司隸四川邛  
 川見前篇折坂見軍中行路難篇滇池見前篇昆明註  
 漏江一作潞江源出雍望經安撫司之比西岸陡  
 絕瘴厲其毒夏秋不可行蒙氏封為四瀆之一

唯逆賊蒙儉等未革狼心仍懷豕突陸梁方命旅拒偷生

城接祠雞竟無希於改旦山多神鹿終未息於擇音

狼心見前篇豺狼有性註漢書食貨志又募天下囚徒  
 人奴名曰猪突豨勇服虔曰猪性觸突人故取以喻師  
 古曰東方名豕曰豨一曰豨豕走也陸梁見上崔長史  
 啓書堯典篇古命圮族註逆命不行也王氏曰員則行

方則止方命猶今言廢閣詔令也旅衆也陳也言陳衆以拒也禹同山有碧雞金馬光景時時出見漢宣帝使王褒求之須曰持節使王褒謹拜南崖敬移金精神馬縹碧之雞處南之荒深溪田谷非神之御歸來歸來漢德無疆慶萃唐虞德配三皇又封禪書列異傳陳倉得異物以獻秦繆公不知其名道遇二童子云此名為媪在地下食死人腦媪乃言曰彼名陳寶得雄者王得雌者霸逐之化為雞繆公大獵果獲其雌為主祠祭有光雷電之聲雄止南陽有赤光長十余丈來入陳倉祠中所以代俗謂之寶夫人祠今陳倉縣東有石雞在山上葉縣屬南陽葉君即雄雞之神故時與寶夫人合改曰恐當作戒旦陳琳武庫車賦啓明戒旦長庚告昏趙景貞與嵇茂齊書鳴雞戒旦則飄爾晨征神鹿本楚詞漢書雲南有神鹿兩頭能食毒草王逸云天撰十二神鹿八足兩頭擇音見前篇鈇險註

臣以大帝宣威有征無戰明王仗順先德后刑加聖澤於中孚緩天誅於大造庶南薰解愠仰雲闕以翔翬東徙變

音扣轅門而頓顙而祝禽踈網徒開三面之恩毒虺挺災逾肆九頭之暴

唐人謂天子為大帝如張東之謂李多祚曰將軍富貴誰所致也多祚泣曰大帝也東之曰今大帝之子為二堅所危將軍不思報大帝之德乎是以高宗為大帝也陳孔璋為曹洪與魏文帝書雖云王者之師有征無戰中孚易卦名云聖澤者中孚之象曰澤上有風君子以議獄緩死也左傳晉厲公使呂相絕秦曰我文公帥諸侯及秦圍鄭秦大夫不詢我寡君擅及鄭盟諸侯疾之將致命于秦文公恐懼緩靜諸侯秦師克還無害則是我有大造于西也註造成也南薰解愠見上太常伯啓薰風註說苑梟將東徙或問之曰何故梟曰人惡吾之聲曰子能更鳴乎曰不能曰不能更鳴雖東徙人猶將惡子之聲項羽既破秦軍諸侯將入轅門膝行而前註張晏曰軍行以車為陣轅門相向為門故曰轅門禮天官設舍曰設宮車轅門祝禽事見上篇

乃鳩集餘衆蟻結覓徒儋耳椎髻之渠千里霧合鑿齒雕

題之孽一呼雲也凌石菌以開營拒巖椒而峻壘崇巒切  
漢若登藏寶之山絕壑馮霄似瞰封泥之谷以某月某日  
連營布陣踞險揚兵東西三十里馬步二十萬聚蚊蚋而  
成響聲若雷霆縱蛇豕以為群氣稽宇宙

任彦昇奏彈曹景宗故使蝟結蟻聚水草有依僂耳椎  
鬢俱見上篇淮南子堯之時窳窳封豨鑿齒皆為民害  
長楊賦鑿齒之徒相與磨牙而爭之服虔曰鑿齒長五  
尺似鑿食人李奇曰以喻秦貪婪殘食其民也或曰南  
方夷俗許婚則擊一齒與為信又文獻通考烏武僚地  
多瘴毒中者不能飲桑故自鑿齒言鑿齒指夷類也禮  
王制篇南方曰蠻雕題交趾有不火食者矣註雕刻其  
額以丹青涅之張平子西京賦長風激枝別騰起洪濤  
而揚波浸石菌於重崖濯靈芝於朱柯註菌芝屬抱朴  
子曰芝有石菌生於石上者又衡山有一峯名石菌下  
有石室中嘗聞諷誦聲郴州興寧縣亦山名石菌或疑  
困與菌同恐非漢武悼夫人賦有山椒字見冬日野望

島陽

詩藏寶見高四篇孕寶符註又雲南永平縣有地寶藏  
山又中庸寶藏興焉皆指山也封泥見北眺春陵詩漢  
中山靖王曰樂响  
漂山聚蚊成雷

臣遣某等擁拔山超海之雄當其步陣遣某等驅躍景騰  
雲之騎承其馬軍遣某等領勁卒一千絕其飛走之路遣  
某等勒精兵九百斷其潛伏之軍臣率某等負霜戈而直  
進指雲陣以長驅庶令斬馘七禽戰士挾雷公之怒伏屍  
百萬蠻夷識天子之威

拔山字本項羽歌力拔山兮氣蓋世超海本孟子始皇  
七馬一追風二白兔三躡景四追電五飛翻六銅雀七  
晨鳧霜戈猶言霜刃言其色也吳都賦剛簇潤霜乃染  
蕭淵明與王僧辨書凡諸部曲並使招携赴役戎行前  
后雲集霜戈電戟無非武庫之兵龍甲屈渠皆是雲臺  
之仗雲陣見湯子從軍賦軍法獲者不服則殺而獻其



左耳謂之敵七擒見前篇楚辭遠遊篇右  
雷公而為衛伏屍百萬見前篇逐北註

於是三畧訓兵五申誓眾先登陷敵無遺大樹之功后拒  
亂行必致曲梁之罰楚人三戶蜀郡五丁氣擁玄雲精貫  
白日喑鳴則乾坤搖蕩呼吸則林壑飛騰列旗幟以雲舒  
似長虹之東指橫劍鋒而電轉疑大火之西流乃接兵交  
洞曾達腋自辰踰午魚爛土崩沸殘息於層峯更切守陴  
之哭積負顛於重阜殆成京觀之封

三畧上畧中畧下畧今見武經蓋太公遺書也孫武子  
以兵法見吳王王使宮人試之三令五申宮人笑斬隊  
長幸臣莊賈以狗先登見上篇大樹見蕩子從軍賦后  
拒以兵拒後也左傳晉侯之弟楊干亂行於曲梁魏絳  
戮其僕註亂行陣之次於曲梁之地也史記范增說項  
梁曰秦滅六國楚最無罪自懷王入秦不反楚人憐之

至今故楚南公曰楚雖三戶亡秦必楚註瓚曰楚人怨  
秦雖三戶猶足亡秦常昭謂三戶楚大姓昭屈景也集  
覽謂三戶地名南公識興廢之故知秦亡必於三戶后  
項羽果渡三戶津破章邯軍秦遂亡但於雖字文涉不  
順豈南公亦指其地不欲顯名故為疑似之語耶五丁  
見鄭安陽入蜀詩玄雲見上篇潘岳諫馬敷精貫白曰  
猛烈秋霜貫白日用白虹貫日事見螢火賦長虹束指  
暮虹也詩蝮螫在東註虹隨日所映朝西暮東大火見  
螢火賦子虛賦洞霄達腋絕乎心繫土崩魚爛俱見前  
篇又陳琳檄吳將部曲文十萬之師土崩魚爛又為曹  
洪與魏文書焉肯土崩魚爛哉楚子圍鄭旬有七日鄭  
卜行或不吉卜臨于大宮且巷出車吉國人臨守陴  
者皆哭楚子退師陴城上卑墻也杜預註作陴非是  
言兵奔走喘息高山如登城而哭也顯頭腦骨也楚敗  
晉師於邲潘黨曰君盍築武庫而收晉力以為京觀臣  
聞克敵必示子孫以無忘武功楚子曰明王伐不敬取  
鯨鯢而封之以為大戮於是乎有京觀乎註積尸封土其  
皆盡忠以死軍命又何以為京觀乎註積尸封土其上

謂之京觀

唯賊帥夸于未悟傾巢之兆敢懷距轍之心獨率馬軍平川轉闔驚塵亂起六合為之寢光殺氣相稽四溟由是變色

距敵見前篇螳怒註晉趙景真與嵇茂齊書或乃迴颺狂厲白日寢光四溟四海也

副總管李大志忠惟殉國義則忘軀臨危而貞節逾明制敵而神機獨遠再誠自守雖九死其如歸白刃交前豈三軍之可奪投袂則妖徒霧廓舉旗而兇黨山崩

九死見瑕丘常明府啓投袂見螢火篇堂皇註

於是乘利追奔因機深入困獸猶鬪如戰廩君之魂窮鳥尚飛如驚杜宇之魄斬甲卒七千餘級獲裝馬五千餘疋

僵尸蔽野臨赤坂而非遙流血洒途視丹徼以何遠

史記衛青姊子霍去病年十八喜騎射為票姚校尉與輕勇騎八百直棄大軍數百里赴利斬捕首虜過當乘利猶赴利也深入字見軍中行路難渡盧註左傳吳從楚師及清將擊之夫槩王曰困獸猶鬪况人乎若知不免而致死必敗我若使先濟者知免后者慕之蔑有闕心矣昔武落離山崩有石穴二所其一赤如丹其一黑如漆有人出於赤穴名務相姓巴氏出於黑穴者凡四姓曰樊氏譚氏栢氏鄭氏廩君鍾離山之主也務相與四姓爭為神相與以劍刺穴屋能著者以為廩君獨務相劍懸又以土為船浮者以為廩君於是務相浮土舫從夷水至鹽陽鹽陽有神女曰此地廣大魚鹽所出頭留共居廩君不許神女暮輒來宿旦即化為群虫蔽口天地晦冥廩君因射殺之天乃開明既殺神女乘土船下及夷城夷城石岸曲水亦曲廩君望如穴狀嘆曰我從新穴出今又入此柰何峯即崩三丈余階階相乘廩君登之上平石方一丈長五尺投策計算皆著石曰立城君之晉李特據蜀是其裔也廩君土浮處在今荊州府長陽縣清江水杜宇見前篇驚靈註晉書符堅敗晉

兵追之僵尸蔽野赤坂亦蜀中地名丹徼見  
蕩子從軍賦言赤言丹以尸血形容之也

首領和舍等並計窮力屈面縛軍門寬其萬死之誅弘以

再生之路唯蒙儉脫身鋌險負命窮山顧巢穴而靡依逃

畧漏而何幾

左傳楚成王圖許許男面縛銜璧大夫裒經士輿櫬楚  
子問逢伯對曰昔武王克殷微子啓如是釋其縛受其  
璧焚其櫬禮而命之三國志鄧艾至成都后主率群臣  
面縛輿櫬詣軍門降註面縛繫手於背而向前也鋌險  
見前

况妖徒革面徼外非復他人部落離心舟中皆為敵國瞻

言梟首指日可期凡在歸降隨事招撫與之經始復其故

業首丘懷恋疑臨故國之墟安堵識家似入新豐之邑

易革之上六君子豹變小人革面言善人已從革而變  
若豹之彬彬蔚小人昏愚難遷雖未必化亦革其面以從  
上之教令也如舜於有苗象之類魏武侯與吳起浮江  
曰美哉山河之固魏國之寶也起曰在德不在險若不  
修德舟中之人皆敵國也詩桑柔篇瞻言百里註瞻言  
所視而言也梟首見前篇莊子盜跖篇孔子謂盜跖曰  
臣請南使吳越北使齊魯東使宋衛西使晉楚使將軍  
造大城數百里立數十萬戶之邑尊將軍為諸侯與天  
下更始罷兵休卒收養昆弟共葬祭先祖此聖人才士  
之行而天下之頌也禮記檀弓篇太公封於營丘比及  
五世皆又葬於周君子曰狐死正丘首仁也註燕生於  
首向所生之丘不忘其本也列子周穆王篇燕人死其  
燕長於楚及老而返本國過晉同行者誑之曰喟然而嘆  
之城其人愀然變容指社曰此燕國之社乃喟然而嘆  
指舍曰此若先人之廬乃消然而泣指隴曰此若先人  
之隴其人哭不自禁同行者啞然大笑曰予給若此晉  
國耳其人及真見燕國之城社先人之廬塚悲心  
更微漢高帝遷都關中太上皇憶豐邑不樂徙乃作新  
豐并移粉榆舊社街巷棟宇一如舊制士女老幼各知  
其室雖雞犬縱放亦識其家焉安堵安堵如堵也新豐

縣漢屬京兆尹后魏周隋徙治不一唐武后改慶山縣  
神龍初復故天寶初折置會昌縣於溫泉宮后改曰昭  
應省新豐入焉宋大中祥符間始改臨潼以水為名金  
元仍舊以櫟陽縣省入今日之改屬西安府新豐故城  
在今臨潼  
東十五里

然後班師薩水振旅禺山建鴻勳於武功暢玄猷於文教  
庶荒陬襲中原之禮邊疆息外戶之虞華封祝堯兆皇基

於千載夷歌頌漢美王澤於三章

書大禹謨篇班師振旅薩水禺山皆姚州  
地名華封祝堯見高四篇三章見疇昔篇

豈與夫天帝前星廣賜秦公之冊坤元益地遙開王母之  
圖蓋亦有云魯何足紀斯並玄謨廣運廟畧遐覃一戎而  
流景肅清再鼓而邊隅底定豈臣等提戈環甲克全百勝

之功仗節揚塵能通九變之利請藁銜而獻旅大帝成規  
開枵杜之勞旋小臣何力不勝慶快之至謹遣行軍司馬

梁大辟奉露布以聞

前星見前篇明堂註史記秦宣公作密時於渭南祭青  
帝其后十四年繆公立病卧五日不寤乃言夢見上帝  
命繆公平晉亂史書而記歲之府而后世皆曰秦繆公  
上天王母見贈高四篇白雲梁山曲註又洞冥記莫武  
帝見西王母授帝圖籙以桃五枚與帝食之一戎仗節  
揚麾俱見上篇孫子九變篇周兵有散地有輕地有爭  
地有交地有衢地有重地有汜地有圍地有死地凡用  
兵之法將受命於君合軍聚眾高陵勿向背止勿逆佯  
北勿從銳卒勿攻餌兵勿食歸師勿渴圍師必闕窮寇  
勿追絕地無留此用兵之法也途有所不由城有所不  
攻地有所不爭君命有所不受故將通於九變之利者  
可以用兵矣陳湯矯制與甘延壽襲斬匈奴支單于  
於康居正月傳首京師縣首藁街正長安城南門內晉  
灼曰藁師舊有蠻夷師若今四夷館詩杜篇王者勞

還後之詩

### 代李敬業討武氏檄

唐高宗崩中宗立武后集百官於乾元殿廢中宗為廬陵王立豫王曰居別殿不得預政事皆決於武后諸武用事唐宗室人人自危衆心憤惋會柳州司馬英公李敬業及弟敬猷唐之奇駱賓王杜求仁魏思温皆失職怨望乃謀起兵遂矯詔殺揚州長史開府庫赦囚徒旬日間得勝兵十餘萬不用光宅年號復稱嗣聖元年敬業自稱匡復上丹復求貌類故太子賢者置之軍中云賢不死逃至此令其舉兵移檄州縣武后見之問誰所為或對曰駱賓王后曰宰相之過也人有如此才而使之流落不偶乎遣左玉鈐衛大將軍李孝逸將兵三十萬擊敬業追削其祖考官爵發冢斲棺初世勳本姓徐高祖賜姓李至是復其姓世勳敬業祖父也敬業不從魏思温先取洛陽之策先攻潤州兵敗其將王那相斬之以降按徐世勳勸高宗立武后先受滅族之禍已死亦且不免斲棺之戮為臣不忠者可以鑒矣

檄人書也一曰檄者陳彼之惡說此之德曉慰諸衆人之書也凡飛報事情之書行下皆曰檄顏師古計急統章云檄者激也以辭旨慷慨發動之意按綱目分註載敬業起兵假太子賢今據其檄辭嚴義正並無假借之事此舉雖本怨望失職寡謀取敗然人臣之義似當以此為正唐史曰其無成故皆貶辭且武氏時語承襲用之觀者宜有所感

偽臨朝武氏者人非温順地實寒微昔充太宗下陳曾已

更衣入侍洎乎晚節穢亂春宮密隱先帝之私陰圖后庭

之嬖

他本或作偽周按唐本紀中宗嗣聖元年二月武氏廢中宗立豫王始決政事御紫宸殿視朝九月改元光宅服色皆從金色立武氏七廟是月敬業遂起兵改國號周乃在七年此時尚未稱周不當言偽周也詩燕燕篇終温且惠註惠順也漢成帝欲立飛燕為后皇太后嫌其所出微甚難之晉春秋晏子云有二女願得入身於

下陳戰國策駸馬養外廐美人充下陳李斯諫秦王遂  
容書所以飾后宮充下陳班婕妤自悼賦登薄軀於宮  
闕兮充下陳於后庭註索隱云下陳猶后列也楊升菴  
引詩胡逝我陳註陳堂途也下陳猶下堂春宮見司刑  
太常伯啓按武氏故荆州都督武士護女年十四太宗  
聞其美召為才人高宗為太子入侍見而悅之太宗崩  
武氏為尼忌日高宗詣寺行香見之而泣高宗后王氏  
與蕭淑妃爭寵聞高宗悅武氏密令長髮納之后宮欲  
以間淑妃之寵武氏巧慧多權數初屈體事而后后數稱  
其美未幾大幸拜為昭儀后及淑妃寵皆衰更相與譖  
武氏上皆不納元徽六年冬十月詔曰武氏門著勳庸  
地華纓黻往以才行選入后庭朕皆在儲式常得侍從  
嬪嬙之間未曾逾目聖情鑒悉每垂賞嘆遂以賜  
朕事同政君可立為皇后王后淑妃皆因別院

入門見嫉娥眉不肯讓人掩袂工讒狐媚偏能惑主踐元

后於翬翟陷吾君於聚麀

鄒陽上書諫吳王曰女無美惡入宮見妬士無賢不肖  
入朝見嫉楚詞騷經衆女嫉余之娥眉兮反騷篇知衆

婦之嫉妬兮何必颺余之娥眉註言屈原自舉其美如  
婦人自著其眉使衆憎疾之也又娥眉見疇昔篇魏遺  
楚美人王悅之夫人鄭襄謂美人曰王愛子甚矣然惡  
子之鼻見王必掩之美人從之王謂鄭襄曰美人掩鼻  
何也曰似惡聞王之臭王曰悍哉令削之先時鄭襄愛  
美人甚於王王曰婦人所事夫者色今夫人知寡人  
所悅其愛甚於寡人此孝子所以事其親忠臣所以事  
其君也鄭襄已知王以已為不妬遂行讒美人之計然  
掩袂當是發言時以袂掩口鄭襄事亦言其工於諂耳  
狐者妖媚之獸故謂婦人謂狐媚石勒曰大丈夫行事  
宜磊磊落落如日月皎然終不效曹孟德司馬仲達欺  
人孤兒寡婦然媚以取天下也周禮王后六服圖有褕  
衣榆狄闕狄註云褕當為鞞即鞞雉其色玄也婦人尚  
專一德無所兼衣裳相連其色不異祭先王則后服褕  
衣以從之揄當為搖狄當為翟搖翟其色青也上二翟  
並刻繒為雉形而五采畫之后從王祭先公之服也闕  
與屈音相近其色赤亦刻繒為雉形不畫之故名闕狄  
或無以正文直意量之也從王祭群小祀則服之禮曲  
禮篇夫惟禽獸無禮故父子聚麀註聚共也牝鹿曰  
麀上二句指殺王后淑妃下二句指高宗烝父妾也

加以虺蜴為心豺狼成性近狎邪佞殘害忠良殺子屠兄  
弑君鳩母神人之所共疾天地之所不容猶復包藏禍心  
竊窺神器君之愛子幽在別宮賊之宗盟委以重任

詩正月篇哀今之人胡為虺蜴註虺蛇屬細頸大頭色  
如文綬大者長七八尺蜴蝮也毒螫人至死豺狼見前  
露布武氏多引文學之士元萬頃劉禧之等使之撰列  
女傳臣執百僚新戒樂書凡千餘卷時密令參決表奏  
以分宰相之權時人謂之北門學士舊註以寵僧懷義  
張昌宗易之兄弟然此皆敬業死後事武氏既立遂殺  
褚遂良長孫無忌柳奭韓瑗來濟皆以諫立已也武后  
為昭儀時生女王后憐而弄之使出昭儀潛扼殺之既  
而帝至昭儀歡笑如常頃發被視之女已死矣昭儀問  
誰至此左右以對帝怒曰后乃殺吾女廢后之意遂  
決武氏立生子弘廢太子忠而立之仁孝謙謹上其愛  
之中外屬心武氏方逞其志太子奏請數廷旨蕭淑妃  
二女幽掖庭中年踰三十太子見之驚惻奏請出降上  
許之后怒即日以配當上翊衛太子尋薨人以武后酖

之也謚孝敬皇帝立確王賢為太子調露元年命監國  
處事明審既而宮中竊議以賢為武氏姊韓國夫人所  
生賢內自疑懼方士明崇儼以厭勝之術為后所信密  
稱太子不堪承繼英王哲貌類太宗會崇儼為人所殺  
武氏疑太子遂廢之立哲曹王明以賢黨武氏逼令自  
殺廢中宗之年命丘神勣就賢貶所殺之於巴州又武  
氏挾道士郭行真出入禁中厭禱宦者王伏勝發之上  
密召上官儀議廢武氏武氏遽許敬宗誣儀伏勝與故太子忠謀反俱  
殺我武氏遂使許敬宗李氏生男元慶元爽又娶楊氏生  
三女長適智蘭越石次武氏次適郭孝慎士護卒二子  
及士護兄子性良懷運皆不禮於楊氏楊氏深街之越  
石早卒武氏既立楊氏號榮國夫人越石妻號韓國夫  
人惟良等皆貴榮國曰頗憶前日事乎對曰惟良等幸  
以功臣子弟早登官籍揣分量才不求貴達豈意以皇  
后故曲荷朝恩夙夜憂懼不為榮也榮國不悅武氏乃  
上疏出惟良等刺遠州外示謙抑實惡之也元慶以憂  
卒元爽死振州死韓國及其女皆得幸於上女號魏國  
夫人武氏惡之會惟良懷運至京師獻食密置毒醢中  
使魏國食之暴卒乃歸罪於惟良懷運誅之改其姓為

馬子... 王后泣對曰至尊若念疇昔使得再見日月幸甚上曰朕即有處置武氏聞之大怒遣人斷去王后淑妃手足投酒甕中曰今二軀骨醉教日而死又斬之後數見王蕭出為崇如死時狀故多在洛陽不敢歸長安弒君指王后為小君鴆母指王后天下之母也鴆鳥名食蝮蛇以其羽瀝酒飲之殺人左傳楚欲襲鄭以娶公孫段為名鄭子羽對伯州犁曰小國無罪恃實其罪將恃大國之安靖已而無乃包藏禍心以置之老子無為章天下神器不可為也為者敗之執者失之王仲寶作褚淵碑桂陽失面窺察神器愛子指中宗廢為廬陵王幽之別所賊之宗盟一句如以王德真侍中劉禱之武承嗣同三品武承嗣元爽子也

嗚呼霍子孟之不佞朱虛侯之已亡燕啄皇孫知漢祚之將盡龍聚帝后識夏庭之遽衰敬業皇唐舊臣公侯冢子奉先君之遺訓荷本朝之厚息宋微子之與悲良有以也

### 袁君山之流涕豈徒然哉

霍光字子孟受漢武帝遺詔輔昭帝昭帝崩立昌邑王昌邑王無道廢之立宣帝朱虛侯劉章漢齊王肥之子年二十有氣力忿劉氏不得職嘗侍燕呂后令為酒吏章請以軍法行酒為耕田歌曰深耕既種立苗欲疏非其種者除而去之太后默然頃之諸呂一人醉亡酒章追斬之還報左右大驚后業已許其軍法無以罪也及后崩諸呂欲為亂章以呂祿女為婦知其謀告其兄齊王襄令發兵西已為內應以誅諸呂立齊王於是襄舉兵討諸呂九月章與平勃誅諸呂大臣迎文帝立之漢成帝立趙飛燕為后無子后宮有子者后盡殺之時有童謠曰燕燕燕尾延延張公子時相見木門倉琅根燕飛來啄皇孫皇孫死燕啄矢及成帝崩飛燕女弟昭儀自殺哀帝立尊趙后為皇太后司隸解光奏其殺皇孫罪免諸趙封侯者為庶人家屬徒遼西哀帝為太子頗得后力故不竟其事哀帝崩王莽賤為孝成皇后又廢為庶人就其國自殺凡立十六年而誅夏后之衰有龍二降於庭曰余褒之二君卜殺之去之止之莫吉卜藏其黎吉歷商周莫敢發至厲王末發之化為玄龜府有



童女未亂遇之而孕當周宣王時生女棄之先時有童  
話曰厲孤箕黑實亡周國時有鸞是器者宣王使執之  
夜走遇前棄女哀其夜號收之逃於褒褒人褒始有獄  
入是女於幽王王遂膏之是為褒姒有寵所言皆從褒  
姒不好笑萬方故不笑王與諸侯約有故舉烽火皆遣  
兵來援乃無故舉烽火諸侯皆來褒似大笑遂黜申后立  
褒姒廢太子宜曰立褒姒子伯服又信褒姒諛欲殺宜  
曰宜曰奔申求之申侯不與王伐申申侯怒與太戎攻  
宗周王舉烽火諸侯不至申侯遂弑王驪山下周遂東  
遷史記殷亡後箕子過殷墟見宗廟宮室盡為禾黍故  
哭則不可歌立則為近於婦人乃作歌曰麥秀漸漸兮  
彼我童兮不與我好兮殷民聞之皆泣下不言微子然  
泝南王安傳又云微子過故國而悲必據此為言按微  
子紂庶兄見紂無道去之及周武王克商封之於宋以  
奉湯祀微故城在潞州潞城縣東北一十五里  
又山東東昌府城東北十八里亦有微子城

是用氣憤風雲志安社稷因天下之失望遂四海之推心  
爰舉義旗以清妖孽南連百越北盡三河鐵騎成群玉軸

相接海陵紅粟倉儲之積靡窮江浦紅旗臣復之功何遠  
班聲動而北風起劔氣衝而南斗平喑鳴則山岳崩頽叱  
咤則風雲變色以斯制敵何敵不摧以斯攻城何城不克

沈休文昭王碑魏氏時乘於前皇齊握符於后氣蘊風  
雲身負日月史記吳起在楚南平百越北却三晉註百  
越非一種也猶言百蠻常昭曰越有百邑故言百越按  
史記楚威王破越殺王無疆盡取故吳地至浙江北破  
齊於徐州而越以此散諸族子爭立或為王或為君濱  
於江南海上服朝於楚謂之百越后七世至閩君瑤佐  
諸侯平秦漢高復以瑤為越王以奉越后東越閩君皆  
其後也今浙江福建皆百越舊地三河見前露布鐵騎  
見蕩子從軍賦車輪中作樞旋轉者曰軸王曰其色也  
枚乘上吳王書轉粟西鄉陸行不絕水行蒲河不如海  
陵之舍東哲去居什曰能約其躬則儋石之畜以豐苟  
肆其欲則海陵之積不足吳都賦帶朝夕之濬池佩長  
洲之茂苑窺東山之府則懷寶溢目觀海陵之倉則紅  
粟流衍註海陵漢郡名有吳太倉漢屬臨淮郡東漢省

入東陽縣晉曰之梁置海陵郡隋初郡罷以縣屬江都  
郡唐武德中改吳陵縣置吳州尋廢州縣復故名屬揚  
州五代揚吳置海陵制置院南唐陞泰州后地入於周  
宋初改為軍元置泰州路后為州屬揚州路今仍為州  
縣省屬揚州府江浦縣名列子隄朋諫齊桓公肆宅則  
徒卒百萬視焉則諸侯從命左傳齊桓公謂屈完曰以  
此衆戰誰能禦之以此攻城何城不克宋書蕭道成擊  
沈攸之符征西府曰顧盼則前后風生喑鳴則左右電  
起以此攻城何城不克以此赴敵何敵能堅宋世祖討  
宋劔檄云以此衆戰誰能抗禦以此義動何往不捷此  
語也

公等或居漢地或叶周親或膺重寄於話言或受顧命於

宣室言猶在耳忠豈忘心一杯之土未乾六尺之孤安在

漢高有天下始剖符封功臣誓曰使黃河如帶泰山若  
礪國以永存爰及苗裔云漢地者本此意也書秦誓雖  
有周親不如仁人註周至也成王將崩召太保奭芮伯  
彤伯畢公衛侯毛公師氏虎臣百尹御事命之輔康王

其書篇名顧命註臨死旋視曰顧謂回顧而發命也漢  
文帝受釐坐宣室召賈誼問鬼神之本註宣室未央宮  
前室也晉穆嬴以趙宣子迎公子雍抱太子頓首於宣  
子曰先君奉此子也而屬諸子曰此子也才吾受子之  
賜不才吾唯子之怨今君雖終言猶在耳棄之若何宣  
子乃立靈公張釋之奏盜高廟王環者當棄市文帝欲  
族之釋之曰假令愚民取長陵一杯土陛下何以加其  
法乎註杯手掬之也音步候反不忍斥言毀撤山陵故  
以取土為喻未乾壅未久也六尺之孤指中宗六尺謂  
幼君周禮國中七尺野自六尺皆不從征註六尺年十  
五七尺年二十也按唐史唐高宗弘道元年癸未十二  
月帝崩中宗嗣聖元年甲申二月太后廢帝為廬陵王  
立豫王旦九月太后改元  
垂拱則杯土誠未乾也

儻能轉禍為福送往事居共立勤王之師無廢大君之命

凡諸爵賞同指山河若或眷戀窮城徘徊岐路坐昧先幾

之兆必貽后至之誅請看今日之域中竟是誰家之天下

說苑孔子曰聖人轉禍為福報怨以德鍾繇為曹操使張既說馬騰為言利害騰疑未決傳幹曰智者轉禍為福今曹公與袁氏相持公能歸之曹公必德將軍功名無與比矣送往事居見程將軍篇春秋僖公二十四年天王出居于鄭明年秦伯將納王狐偃言於晉文公曰求諸侯莫如勤王註勤勞王事以兵納之也大君或作大臣非是左傳曰無廢王命是也指山河即帶礪之意岐路見紫雲觀篇后至見前露布

應詰

余以三伏辰行至七里灘此地即新安江口也有嚴子陵

釣磯焉澄潭至清洞徹見底往往有群魚戲歷如水行耳

金畏火小暑后火氣太盛真遇之為始伏再庚為中伏三庚為三伏過三伏則為立秋而暑退矣七里灘在今嚴州府北四十里未至灘二十五里為七里籠兩岸山高水急難於拽縴諺云有風七里無風七十里嚴州本吳新都郡晉改新安隋初罷郡為新安縣唐初為睦州又於桐廬別置嚴州尋廢為東睦州未幾復名睦州徙

治建德屬江南道天寶初改新安郡乾元復為睦州宋置遂安軍宣和初改州曰嚴州軍曰建德咸淳初升為建德府屬浙西路元改建德路本朝初改建安府尋改嚴州府屬浙江道此言新安江口以晉隋之舊名也子陵姓嚴名光一名遵會稽餘姚人少與漢光武同遊學及帝即位以物色訪之得於齊國累徵乃至拜諫議大夫不肯受去耕釣於富春山中釣磯即其所隱之處也宋范仲淹守嚴州始築祠祀之灘旁有白雲源乃唐詩人方處士故廬仲淹訪其跡以像真祠之左仲淹歿郡人以祠祀之右呂東萊為之記元陸子通乃立書院屋四十九間完舊者曰燕居殿曰祠堂曰清風堂曰招隱堂曰客星閣曰山高水閣曰遂高樓曰羊裘軒懷仁輔義兩齋增新者曰三公不換亭曰天下十九泉亭曰錦峯繡嶺亭曰東臺西臺兩亭又作門其外榜曰釣臺曰富春山祭田五十畝我朝正統太守萬觀重修楊溥為之記弘治中御史吳澣重修客星閣程敏政為之記正德中同知尹激復置祭田二十畝太守黃俊增二十畝湛若水為之記今元時所給之田已亡矣按子陵釣磯即富春山避晉簡文鄭太后諱改曰富陽沈約宋書分富春縣地置桐廬縣一統志云富春山在嚴州

府桐廬縣南三十里一名嚴陵山  
且載錦峯繡嶺釣臺之迹即此

人有釣者試取換之或有浮而不顧者或有貪而輒吞者  
引竿而舉因以獲焉其始出也掉尾揚鬣有若恃力而自  
免其少退也則鼓腮濡沫有似屈體而求哀嗟乎勢牽於  
人道窮於我將欲以下座而歌馮子又安能中轍而呼莊  
周哉

馮子見上裴侍即詩彈鋏註  
莊周見春霖早行詩波臣註

余乃祝曰猛獸搏也拘於檻穽鷙鳥攫也繫於樊籠素龜  
靈也被髮河津白龍神也挂鱗且網何不泥潛而穴處何  
故貪餌而吞釣乎於是放之江流盡其生生之理

樊所以為籠者也莊子澤雉十步一啄百步一飲不斲  
畜乎樊中素龜見廉使啓江使註說苑吳王欲從民飲  
子胥諫曰昔白龍化為魚豫且射中其目白龍上訴天  
帝天帝曰當時安置而形對曰我下清冷之淵化為魚  
且宋國賤臣也白龍不化豫且不射今棄萬乘從民飲  
恐有豫且之患玉乃止

時同行者顧詰余曰夫至人之處世也擬迹而后投隱心  
而後動終始不易其道悔吝不生其情而吾子沈緡於川  
登魚於陸烹之可以習政術羞之可以助庖厨曩求之將  
何畚今捨之將何歆

揚雄解嘲歆者擬足而投迹崔寔答譏沈緡瀆壑棲  
息高丘魏應璩與從弟君胄書昔伊尹輟耕邱暉牧羊  
思致君於唐虞濟蒸民於塗炭而吾方執耒於山陽沈  
緡於丹水知其不如古人遠矣然山甫不貪天地之樂

魯參不慕晉楚之富亦有志也烹  
魚習政術見梁明府啓烹鮮註

余笑而應之曰聖人不凝滯於物智士不推移於時知幾  
之謂神食生之謂道殷乙聖也囚於夏孔丘賢也畏於匡  
且夫明哲之賢尚懼幽憂之患况鮮羽之族能無弋釣之  
累哉

易曰知幾其神乎殷湯名  
乙見憲臺出熱詩夏臺註

故曩吾有心也求之不得今吾無心也既得之而舍求與  
舍不亦雙美乎烹與羞不亦兩傷乎况療飢者半菽可以  
充腹為政者一言可以興邦亦奚必曰小鮮而後明三異  
之規勦大命而片冀一殮之飽擒而不殺不可謂仁乎獲

而不饗不可謂庶乎

陸機弔魏武云亡者可以勿求存者可以勿慮求與慮  
不其兩傷乎史記項羽責宋義不速救趙置酒高會曰  
今歲飢民貧卒食半菽而飲酒高會不引兵渡河註菽  
豆也謂士卒食蔬菜以菽雜半之也三異見春夜常明  
府宅宴詩  
馴魯雉註

且夫畱竿而為亭者太公之遺術也形坐磻溪之石兆應  
滋水之磧夫如是者將以釣川耶將以釣國耶然後知古  
善釣者其惟太公乎又有妙於此者其惟文王乎夫文王  
制六合為釣懸西伯為餌筮之於清廟投之於巨川一舉  
而獲太公再舉而登尚父

太公黃帝之胤也伯尼為堯四岳佐禹治水委以心膂  
曰而受姓或云封申或云封呂故太公姜姓呂氏名尚

年七十釣于渭水之磻溪三日三夜魚無食者尚即忿然脫其衣冠上有農者謂之曰子姑復釣必細其綸考其餌徐徐而投母令魚駭如其言初得鮒次得鯉刺魚腹有文曰呂尚封于齊既而文王出獵載之以歸曰吾太公望子父矣故號之曰太公望以為大師稱尚父茲水詳見對策文三道德泉之叟註王璜詳見浮查篇清廟清靜之廟也周頌清廟篇於穆清廟指文王出獵之下也見對策文三道德非熊註

由此觀之躡會稽而沈寤者鮑肆之事也踞滄海而負鰲者漁父之事也斯並眇少者之所習安知大夫之所為哉

莊子外物篇任公子為大鉤巨緇五十犗以為餌躡于會稽投竿東海旦旦而釣期年不得魚已而大魚食之牽巨鉤陷沒而下驚揚奮鬐白波若山海水震蕩聲作鬼神憚赫千里任公子得若魚離而腊之自潮河以東蒼梧以北莫不厭若魚者已而後世輕才諷說之徒皆相驚而告也夫揭竿累趣灌瀆守鮒其於得大魚難矣餘小說以干縣令其於大達亦遠矣是以未嘗聞任氏之風其不可以經於世亦遠矣註

捷強者皆曰鯨會稽山在今紹興府城東南十二里揚州之鎮山也史記註禹到大越上苗山爵有德封有功更名會稽山取會計之義山海經曰會稽山上多金玉下多瑛石白玉上經云周迴三百五十里有陽明洞一名極玄大元之天即三十六洞天之第十

一也踞滄海負鰲見崔長史啓鰲壑註

自叙狀

伏奉恩旨令通狀自叙所能某本江東布衣也幸屬大鑪

貞觀合璧光輝易彼上農叨茲下秩于今三年矣

大鑪見李少常啓貞觀見大常伯啓漢書堯時五曜如連珠日月如合璧東方朔戒子書飽食安步以仕易農南史袁昂拒梁武及梁武篡友官之昂啓謝曰臣東國賤人學行何取既殊鴻鴈直木固無結綬彈冠徒籍羽儀易農就仕任昉為范雲讓吏部封侯表臣本諸生家承素業門無富貴易農而仕叨辱任也下秩卑官也

然而進不能談社稷之務立事寰中退不能掃丞相之門

駱子集注

卷之四

買名天下徒以黃離元吉白賁幽興沐少海之波瀾照重  
光之麗景雖任能尚齒載弘進善之規而觀過知人異降  
自媒之旨是用披誠歷懇以抒愚衷

漢書曹參為齊相國魏勃欲見之貧無以通乃常早起  
掃丞相舍人門舍人疑誰為掃門者陰伺得之問故得  
所以欲通齊相之意遂言之參參遽令見之易離之六  
二黃離元吉本義黃中也柔麗乎中而得其正故其象  
占如此賁之六二賁其須象曰賁其須與上興也程傳  
以須為象者謂其與上同興也隨上而動動止惟係所  
附也猶加飾於物曰其質而賁之善惡在其質也少海  
見陳文林篇禮記祭義篇昔者有虞氏貴德而尚齒夏  
后氏貴爵而尚齒  
周人貴親而尚齒

若乃忘大易之謙光矜小人之醜行彈冠入仕解褐登朝  
飾懷祿之心效當年之用莫不徇名養利勵朽磨鉛自謂

身負管樂之資志懷周召之業若斯人者何勝道哉而脩  
譽察能聽言觀行捨真莖而擇士公虛談以取才將恐有  
其語而無其人得其賓而喪其實故曰知人不易人不易

知

易謙之彖曰謙亨天道下濟而光明地道卑而上行天  
道虧盈而益謙地道變盈而流謙鬼神害盈而福謙人  
道惡盈而好謙謙尊而光卑而不可踰君子之終也彈  
冠見秋曰山行簡梁大官詩褐賤者之服楊雄解嘲夫  
上世之士或解傳而相或釋褐而傳或倚夷門而笑或  
橫江而漁或七十說而不遇或立談而封侯或枉千乘  
於陋巷或擁篲而前驅狗名見策問第五道磨鉛見味  
懷古意上裴侍郎詩管樂見上程將軍書莖即莖蹄之  
莖見高四篇名者實之實也見靈泉頌虞卿傳虞卿解  
相印與魏齊忘抵魏信陵君信陵君難見之魏齊退而  
自刎侯羸曰人固未  
易知知人亦未易也

抑又聞之知臣莫若君知子莫若父誠能簡材試劇考績  
求功觀其所由察其所以臨大節而不可奪處至公而不  
可干冀斯言之無虧於從政乎何有若乃脂韋其迹乾沒  
其心說已之長言身之善覲容面進貪祿要君上以紊國  
家之大猷下以瀆狷介之高節此凶人以為耻况吉士之  
為榮乎所以令銜其能斯不奉令謹狀

脂韋乾沒俱見上吏部裴侍郎書覲面見人之貌詩何人斯篇有覲面目視人罔極

祭趙即將文

代姚州道總管李義作

惟靈降精辰象委質昌期棄筆文場早狗封侯之志影纓

武帳坐昇戎秩之榮

棄筆見泊蒲類詩燕領註武帳見疇昔篇

屬滇浦挺妖昆明習戰應星文而動將奉天罰以揚威不  
能弘妙筭於西戎叶神謀於九變致令王師失律兇狡憑  
陵雋穴南臨同五溪之深入邛關北阻類雙嶠之不歸亭  
候多虞故有負於明代春秋責帥豈無慚於幽途

滇昆明挺字俱見前露布九變失律雋穴邛關俱見后露布漢馬溪征五溪蠻夷註五溪謂雋溪楠溪沅谿辰谿盧谿在今辰州界雙嶠見北眺春陵詩亭候俱見父戍邊城詩亭障註春秋之法兵敗則歸責於將帥晉王衷父儀為魏安東將軍司馬昭司馬東關之敗昭問於衆曰今日之事誰任其咎儀對曰責在元帥昭怒曰司馬欲委罪於孤耶遂引出斬之



夫任賢與能明君之事也陳力就列忠臣之義也雖見危授命固誠節之有餘臨難權機何智謀之不足嗚呼哀哉某猥以散材謬專分閫途經夷落路踐戎場停疲驟於九原悲來有地痛遺骸於四野泣下無從暫輟征旅之勤爰崇掩骼之義庶幽靈有托梧丘息入夢之魂壯士不還殪歌起送終之曲

散材分閫見后露布夷落夷蠻之部落也戎場戎馬往來之地也九原見傷祝阿王明府篇禮記月令孟春之月掩骼埋胔註骼骨也胔骨之尚有肉者齊景公田於梧丘夜夢五大夫倚徙稱無罪公問晏子對曰先公靈公出政五大夫來驚獸悉斲其頭而葬之命曰大夫丘令人掘之五頭具在公命厚葬之殪歌見樂大夫挽辭

嗚呼九真邊徼萬里長安城危踈勒山峻泉蘭因原為隴即壤成棺夕陰曛而平蕪晦秋風急而荒戍寒哀哉異域幽埏但有新栽松柏他鄉古木非復舊邑枌榆感平生有若斯聊申素酒儻聰明之不昧式薦篔簹醪

九真水名本南越地漢武元鼎六年平南越以其地置南海蒼梧鬱林合浦交趾九真日南珠厓九郡徼義見蕩子從軍賦踈勒本西域城名后人據城而王曰以名國故城在莎車東北尉頭南城危事見靈泉頌窮井註泉蘭州名在鐵勒部胡三省言渾城鐵勒九姓渾部之台世為泉蘭州都督即其地也枌榆見后露布新豐註篔簹食醪酒也經興府城東南六里有篔簹河一名投醪河水經越王棲會稽有酒投河中士飲其流戰氣百倍

駱子集註卷之四終

序駱賓王集後

昔人謂文為載道之器道在而文可愛  
而傳君子所嗜也余稽述牘至唐駱先  
生集未嘗不掩卷嘆曰異才哉夫先生  
才華駢麗遠脫凡表用事用意淺淺者  
未易詳會余雖膾炙其文而多闕疑焉  
謬領舒教之明年鴻江陳公來蒞舒民  
士政暇輒與二三人談古今一日出記

室所點綴註釋駱賓王集啟而讀之大  
解集疑懷之公署三復昔所闕者班班  
可考也乃語同寅次山王君竹西孫君  
曰余觀駱集蓄疑且多邑大夫悉有釋  
之其教我哉余偕二君請梓以教諸士  
可乎二君唯唯相率而造大夫庭大夫  
公曰駱君諸藝引物連類窮情盡變宮  
商相宣金石諧和文之傑出世之希覲

者也諸君教多士以憲古振文舍此奚  
其則矧其生平氣節凜凜文辭嚴正未  
可以成敗論者君梓而行之得我心哉  
夫鴻江公漳浦鉅儒淹貫蓄富其所註  
釋悉出博古自領鄉書以躋膺仕未嘗  
一日不志於學匪惟政績錚錚而考古  
摛文真後學宗主也余嘉美駱先生之  
文而多公註釋之義爰鳩工繡梓以廣

其傳覲者未可以易而忽之

萬曆己卯秋八月 掌廬州府舒城

縣儒學教麗水晚學生劉大烈頓首拜

書



